


AN VI

IL STROLIC
FURLAN


PAL


1925

cun due' i Marciâz e lis Sagris de Furlanie



Societât Filològiche Furlane
UDIN 1924







Pieri Zorù

AN VI

199

IL STROLIC
FURLAN


PAL

1925

cun due' i Marciâz e lis Sagris de Furlanie



Societât Filològiche Furlane
UDIN 1924



Calendari par l'an 1925

Principi des Stagions

Primevere	21 di marz	a	4 h	12 m
Istât	21 di juin	a	23 h	50 m
Autûn	23 di setembar	a	14 h	43 m
Unviar	22 di dicembar	a	9 h	37 m

Eclis

Nel 1925 saràn quatri eclis: dôs di soreli e dôs di lune. Une eclis di soreli sarà ai 24 di zenâr e ché altre — che no si podarà viodi in Italie — ai 20 di lui. Une eclis di lune 'e sarà ai 8 di fevrâr, e une, invisibil, ai 4 di avòst.

Èpochis

L'AN DI CRIST 1925 AL CORISPUINT A L'AN: 6638 dal periodo giulian; — 5685 dai ebreos; — 2678 da la fondazion di Rome; — 2108 da la fondazion di Aquilée; — 1343 dai maometàns.

CALENDARI CIVIL

(Decr. R. 30 dic. 1923, N. 2859)

- 1) Son zornadis di fieste par dut ce c' al riguarde il civil: lis domènis — il prin da l'an — il dì de Pifanie (6 di zenâr) — il 21 di avrìl (Nadâl di Rome) — il dì de Sense — dal Corpus Dòmini — dai sanz Pieri e Pauli (29 di juin) — de Assunte (15 di avòst) — il 20 di setembar — l'Imacolade Concezion (8 di dicembar) — Nadâl (25 di dicembar).

In pluì, par Udin, il dì dai sanz Ermàcore e Fortunât (12 di lui) e, par Gurizze, il dì dai sanz Ilari e Tazian (16 di marz), patronos de lis dôs Diòcesis.

- 2) Fiestis nazionâls: la prime domènie di juin (celebrazion de Unitât d'Italie e dal Statût) — il 4 di novembar (aniversari de Vitòrie).
- 3) Solenitàz puramentri civils: il 21 di avrìl (Nadâl di Rome) — il 24 di mai (aniversari de declarazion de uere) — il 20 di setembar (aniversari de entrade del Esercit talian a Rome) — 11 di novembar (Natalizi dal Re).

Altris fiestis

8 di zenâr: Natalizi de Regine	2 di juin: Muart di Garibaldi
9 „ Muart di V. E. II.	18 di avrìl: Non de Regine
14 di marz: Comm. di Umb. I.	1 di set.: Non dal Re

CALENDARI ECLESIASTIC

Numars corînz

Numar d'aur	7	Lètare dominicàl	D
Epate	5	Indizion romane	8
Ciclo solàr	2	Lètare dal martirològio	e

Fiestis mòbils

Setuagésime	8 di fevràr
Prin di di Crésime	24 id.
Pasche	12 di avrìl
Rogazions	18 - 19 - 20 di mai
La Sense	21 id.
Pentecuestis	31 id.
SS. Trinitât	7 di juin
Corpus Dòmini	11 id.
Prime domènie d'Avènt	29 di novembar

Fiestis di precèt

Son di precèt eclesiastic dutis lis domenis e lis altris fiestis religiosis dal Calendari Cìvil, con in plui il dì di S. Josèf (19 di marz). No son però plui di precèt lis fiestis dai sanz Patronos de lis Diòcesis di Udin (ss. Ermàcore e Fortunât), e di Gurizze (ss. Ilari e Tazian).

Quatri timporis

Primevere	4 - 6 - 7 di marz
Istât	3 - 5 - 6 di juin
Autùn	16 - 18 - 19 di setembar
Unviar	16 - 18 - 19 di dicembar

Villis eclesiastichis

L'è proibît da la Glésie di mangiâ di gras: due' i vinars; il prin di e dutis lis sâbidis di Crésime, fur che la sâbide sante dopo di misdi; lis quatri Timporis; lis villis des Pentecuestis, de Assunte, dai Sanz e di Nadâl.

An	Prin di Cresime	Pasche	La Sense	Pentecuestis	Corpus Dòmini	Prime di Avènt
1926	17 fev.	4 avrìl	18 mai	23 mai	3 juin	26 nov.
1927	2 marz	17 avrìl	26 mai	5 juin	16 juin	27 nov.
1928	22 fev.	8 avrìl	17 mai	27 mai	7 juin	2 dic.

LA FUIAZZE DE MADONE

Daür mont Spiz Ròs, imbuìt, colòr di sanc, al leve jù il soreli: la Plâf 'e coreve scure. Une fêmine cun t'un fantulin pe' man 'e vignive fûr di Marceane. Si voltà a cialà la vile, 'e alzà i voi al cîl suspirànt, e dôs làgrimis i vignivin jù pe' muse: il fantulin al saltuzzave.

Su e jù pei trois de l'Antelao e' rivarin a Taulen c' al ere za tart.

Ance lì, ciase par ciase, e' domandarin di lozà la gnot; ma pardût, come a Marceane, i rispuinderin: — No vîn sît; vait cun Giò —. In somp la vile e' erin ancemò dôs ciasutis, une a taco da l'altre, che, in antic, pareve che fossin stadis di un sol paròn; ma la prime plui alte, cui balcòns e un biel portonzin vert, stabilide e sbancizade, 'e veve l'ande di sei di qualche siôr; ché altre, cu la linde disdenteade, cu lis fignestris taponadis di sorcâl, la puarte a bocòns e il mur grîs, in cà e in là sgombulât e a sclaps, si capive subit che ere di un puarèt. E' baterin a ché dal siôr. 'E vignì fûr un bocòn di fêmine ben mitude, cun t'un biel cucl di cordòn d'aur. Ur dè une squadrade di brut e po ur domandà ce che olevin.

— Se fasessis la caretât di lozànus par usgnót....

— Vait, vait cul non di Giò, che cul a no vîn sît pai pitòcs. E, bruntulànt, ur siarà la puarte su la muse.

La ciasute dal pùar 'e jere viarte.

— Oh, di ciase! — Une fêmine che impiave il fûc, si fasè indenànt. — Entrait, entrait, buine int.

— Se podessis ricoveranus cheste gnot....

— Tal miò jet, pùare fêmine. 'A ài tant ben i bleóns nuvizzai nez di bugade: e il vuestri pizzul lu metarìn cul gno; ma di cene, fie me, no ài propri nie ce dâus. Intànt fàisi donge e piàit une sflamiade, che uè e' vîn spiulât pe montagne une belezze di stees; e il miò frut, in gràzie di altris doi fis dal boscadôr, al à parât donge dut chel grum di stielis che vedês parmîs il mûr. I àn lassàt ciapà su plui di chel che al podeve puartà, parcè che san che 'o soi vèdve e pùare come il pedoli. E cussì disint 'e butà fur i zùcui, e sù a volòp pe' s'ciale a preparà di durmì.

Si sintarin da ciâf il fûc donge al fi de vèdve, che strac e plen di fan al steve lì ingrizignît e cun un stecût ogni tant al vuaiave la cinise. Al ere un pùar pipin meschinût, vidrîz, cu la muse zalute. Lu cialavin pietòs, lu ciarez-zavin, ma no l'ere cās di fái viarzi la boce.

Quant che tornà jù la mari, si spandeva pe' cusine come un odór di pan cuet.

— E diseis di no vé nuie di cene; ma culì sot lis boris e vès, ma-la-fe-sì, une pinze vô! — Ché pùare fèmine e vignì rosse come il fûc. — Po? ond ài fate une pitinine; ma no ài olsât a díus di mangiale insieme, parcè che no è robe di cristians. Vuè di matine soi stade a mulin par me sùr, che jè ché siorone che stà culi donge; 'o speravi che sore mi vès dât quatri zumielis di farine tant di tirále indevânt par uè: invezze no mi á lassât che di spacà i sacs. E podês crodi, par fá chel frighinìn di misèrie, 'o ài scugnùt raspà la panàrie e parà sù partiare. Magari cussì no, 'e jè impastade a fuarze di scovadizzis. Mi svergonzavi a proferius une tal cene; ma, se si degnais... — E intànt che je 'e contave, il frut de foreste, cu la manute al segnà une cròs su la cinise. La cinise si alzave, e' rodolavin jù lis boris, cà e là si sclapave il grum. Chel altri frut, cul so stec, al parave sù la cinise e al procurave di vuaiàle; ma je si sglonfave, si sglonfave, tant che scomenzà a comparì la fuiazze; un bocòn di fuiazze grandone, che dute la cinise dal fogolâr no bastave a cuviàrzile. Un odor di pan fresc che al consolave! La tirarin fûr in due' i quatri, la meterin su la taule smaraveâz; 'e jere colòr d'aur, jevade come un fonc e cuete che faseve la biele voe. Si sintarin intôr a mangiale, ma il frut de fèmine foreste al domandave di compagnale cun un pôc di cicìn.

— Jesus! Cicìn, fi miò? 'E son ains e ains che nô, puarins, non vin viodût lùsigne! — Vait te dispense, cirît — 'e diseve la mari — viodit di contentàlu.

— Ma cemût voleso che 'o ciati nuie te dispense, se no sai di ricuardâmi di vè purcitât?

— Vait vô, done, vai; cui sa che no burissis fûr qualchi salâm dismenteât!

La pùare fèmine instupidide par chel miracul de fuiazze 'e impià il lumìn, e, tant di ubidì, e lè te dispense. Ce oleso viodi! Dos stangis di robe purcine, e salâms, e musèz, e ossocoi; e filzis di luiânis, che erin propri boce ce ustu! 'E puartà fûr une belezze di grâzie di Dio; e mangiarin a quatri ganassis; ma chel frut a no l'ere ancemò content: al oleve bevi.

— Al ûl un dedût di vin, mame. Viodit se vessis te ciàive almaneu una gote di s'ciavèz.

— Ma-la-fe-sì! di qual? No l'è che un caratèl vieli e scredèl, che dopo muart il miò pùar om no l'è stât mai plui doprât.

— Forallu, done

Po, al sune come un tambûr.

— Forait e ubidît. — I pareve di insumiâsi; pûr, par contentâle, 'e cirî su la grâtule e i vignî in man une forduce. Scomenzarin a trivelâ: e mene, e mene; dut t'un bot la forduce 'e va dentri e i gote sui dêz un vin ros come sanc di jeur. E' metin sot un ciadîn, e' giavin la forduce, e fûr imburî in spissul il vin, che al spandeva pe' ciànive un odôr di frèule di fa vignî l'aghe in boce. E' cenarin di papis, e' lerin a durmî che ur pareve di jessi stâz a gnozzis. Tal domàn di matine, prime che al cricàs il dî, ché fêmine foreste e chel frut e' jerin za in pîs.

— Su, done, su. Vistît il vuestri pizzul e vignît vie cun nô; ma ricuardaisi di no mai voltâsi indaûr!

La vèdue, ancemò sturnide dai miràcui de vilie, e ubidî senze viarzi boce, e, come une piores, 'e vignive vie daûr cul so frut pe' man. 'E cialave mont Spiz, che i steve di cuintri, e i pareve che al lés vie simpri sbassànsi. Un pôc a la volte lis sos pontis, altis come tre ciampanii, si erin scrofadis, e invezze di ches crestis di montagne, e' comparive cumò une largiure di cil. No podeve crodi, si sfreolave i vói; ma intânt il soreli, che al jevave daûr di lor, al faseve simpri plui clâr il dî. No l'ere dubi; mont Spiz al ere propi sparît. No vevin fate tante strade di un tir di sclope, che sintîrin un gran fracàs come se si fossin viartis lis cataradis dal cil e al scrauazzàs un diluvi di ploë compagnade da mil tons soterâneos, che fasevin tremâ dute la tiare. Mont Spiz al finive d'inabissâsi e tal so sît al comparive un lago che ancemò al fas plere; e pûar cui che si ris'ce in ché aghe! Di ché altre bande lis montagnis e urlavin; une gran masèrie di clàs si sdrumave jù te Plâf, e la faseve cori a redrôs. In te paûre di chel teribil moment, la vèdue si disludà dal comant che veve vût, e si voltà a cialà il so pûar paîs. L'Antelao sclapât al precipitave e al sepulive in t'un bot Marceane e Taulen. No ere restade in pîs che la so ciasute. Di dute che int, tresinte e plui personis, no s'ciamparin de rovine che la vèdue cul so fi e doi altris fruz saltâz fûr a buinore a stielis sul pradissit, dulà che vevin boscât tal dî prime. Chei fruz cumò e' son diventâz vecions, e a cui cu passe par lenti e' contin la stòrie, mostrânt il sît de lavine, la ciasute de vèdue e il cret dulà che sparî la foreste.

E' disin che fòs la Madone vignude in tiare a cirî qualchi ben che al vès valût a sconzurà chel flagèl, ma no podè salvà che ché pûare fêmine e chei frutîns.

S. Lurinz, at 18 di novembar da l'an 1884.

Catine Percude

I fruz di Catine

Catine and à quatri
tra frutis e fruz,
musutis tarondis
che parin milùz,
duc' faz in t'un mùt,
campions di salùt.

La prime jé File,
tant brave di léi,
po vegnin i pìzui
che stan in t'un zeì,
po l'ùltime, une
che ciente te scune.

I pizzui son simpri
che corin discòlz,
che sùpin cianussis
par gioldi chel dolz
e tain lis bachetis
par fà lis sunètis.

Stan fers quant che gustin
in doi t'un ciadin,
e po si spartissin
chel toc di cìcin
insieme cul tui,
c'al vivi ance lui.

La sere che monzìn
chel bon cu la sbrume,
e là su la taule
jé pronte che fume,
ce cene, cul giat,
polente tal lat!

Son simpri che viazin
par ciamps e par trois,
che van su pai àrbui,
che passin lis rois,
che sbrissin, che colin
e il cial si macolin.


Son simpri che ciapin
becadis di urtiis,
o pur che si smaltin
il cotul di fis,
e tornin te cort
pe puarte dal ort.

E File: — Vigniso,
daspò che si clame!
Se us ciatin i zingars!
Se us cuce la mame! —
E ur cride, ur insegne
e un poc s'invelegne.

Po tache la none:
— Demonis che sès,
te ciase dei discui
and isal di pies? —
Cun muse di ridi
la lassin che cridi;

e' fùin a platási
te stale del mus.
Catine, che pense:
— Son fûr dal patùs —
jé là che ju spiete
cun Nenie che tete.

E. Fruch



Ùrsula, vita mè,
ànima mè, coor gno, dolc' il gno flât,
s'amôr m'art il fiât
e mi consuma il coor simpri par te,
parcè, crudèl, parcè
bràmistu e vustu mo tu la me muart?
Da cristìan t'às tuart
a no m'amâ cumò, ché tu voràs
amâmi un dì che, fors, tu no poràs.

Eusebio Stella

nassût intôr dal 1800 a Spilumbèro

Zenâr

Al jevel sorell a oris 7.46 Al tramonte a lis 4.14 Aldure oris 8.28 (*)				Prin quart il 2 (0.25) Lune plene il 10 (3.47)	Ultin quart il 13 (0.33) Lune gnove il 24 (15.45) Prin quart il 31 (17.43)	Pronostics dai nestrìs viei
✠	1	J	Circoncision dal Signôr		Diu nus uardi di un bon zenâr par podê jemplâ il granâr.	
	2	V	s. Zòilo P.Q.			
	3	S	s. Genovefe			
✠	4	D	Non di Gesù - s. Alberto		Garbin - pan e vin. tramontân - sut e fan: buere - fan e uere.	
	5	L	s. Telèsforo			
✠	6	M	Pifanie (Pasche Tafànie)			
	7	M	s. Grispin		Nat. de Regine Eline (1873) s. Fortun. - s. Marcellin Muart di V. E. II. (1878)	
	8	J	s. Severin			
	9	V				
	10	S	s. Guglielmo L.P.		Zenâr al fâs il peciât, mai al ven incolpât.	
✠	11	D	s. Gino pape			
	12	L	s. Tizian			
	13	M	s. Leônzio		Sant' Antoni di zenâr, un' ore biel aual.	
	14	M	b. Durî di Pord. - s. Ilari			
	15	J	s. Maur			
	16	V	s. Marcèl pape		San Bastian - cu la viole in man.	
✠	17	S	s. Antoni abât			
	18	D	La Catedre di s. Pieri U.Q.			
	19	L	s. Paulin Pat. di Aquil.		Sante Agnese - miez fen e (mieze spese).	
	20	M	ss. Fabian e Sebastian			
	21	M	s. Agnese			
	22	J	s. Vincènz m.		S. Pauli l' albe clare, la Madone (2/2) scure, no vin plui paure.	
	23	V	Sposalizi de Madone			
	24	S	s. Timòteo - s. Eugènio L.G.			
✠	25	D	Conversion di s. Pauli		Cul cialt dai bleons no si fâs (boli la cito.	
	26	L	s. Policàrp			
	27	M	s. Zuan Grisòstomo			
	28	M	s. Cirilo			
	29	J	s. Francèsc di Sales			
	30	V	s. Martine			
	31	S	s. Giulio predi P.Q.			

(*) S' intînt simpri pe prime dì dal mès.

Ciantîn!

Duc' quanc' in compagne
ciantîn, amis, ciantîn!
Evive la ligrie!
Ciantîn fin che podîn.

No vâl la vite un boro
se no si divertîn;
fasîn almanco un coro,
no conte se a planchîn!

Ciapînlu sù cun fleme,
cussì, mior che podîn,
cussì, duc' quanc' insieme,
cidîn, cidîn, cidîn!

Ciapînlu sù sot vôs;
peciât che sîn in pôs;
se fossin ancimò,
ce gust c'o varés jo!

Ma nô 'o ciantîn lo stes;
si fâs ce che si pues!...
Amîs, fin che podîn
ciantîn, ciantîn, ciantîn!

Fàbio Galiùs

Parcè ch' i' lavori

— 'A é mate a strussiâ! —
— Ca viodi da salût! —
— Lavorà pai nevôs?
Ma chel l'è timp piardût! —

— Ce disie? Il so dovè?
Ma c'a lu mandi a trai!
Cussì, cence famee,
se 'a mûr nissùn la vai.

E se s' inmale a lunc?
La spete l' ospedâl.
Ca sinti, ciare je:
ca meti il zelo in sâl.

Il mont al cor istès;
c'a pensi un pôc par sè,
c'a tegni cont da vite,
ca mi ubidissi me.

Mi disin, mi consein:
jo tâs, fra me pensânt:
— Se savessin parcè
ch' i' no pues sta di bant!

No san che il gno pensîr
mai no mi dà padîn;
par fuarce mi strissine,
cence segnâmi un fin,

e dome fra lis spinis
al vûl fami fermâ:
spinis ca son, ca forin,
ca spetin, par pontâ.

E intânt al mi ciol vie,
mostrânt al cûr, puarîn,
ce ca sarés la vite
cun 'altri mior destîn.

In chei momèns, tant trise'
mi sint come a manciâ,
mi sint, mi viôt bessole
e mi ven voe... di lâ.

Ma 'ne vôs di comânt,
forsi vôs dal Signôr,
mi dà confuart disint:
— Al ti reste il lavôr!

E jo mi met a vore,
e jo mi cîr ce fá,
par no filá caligo
e dut dismenteá.

Anute Fabris

Fevrâr

Al jeve il sorell a oris 7.15 Al tramonte a las 4.45 Al dore oris 9.30		Lune plene il 8 (22.19) Ultin quart il 16 (10.41)	Lune gnove il 23 (8.12)	Pronostics dai nestris viei
✠	1 D	s. Ignazi v. m.		Fevrarût - piês di dut.
	2 L	La Madone des ciandelis		
	3 M	s. Blâs v. m.		San Blâs - il frêt al tae il (nâs.
	4 M	s. Andree Corsin v.		
	5 J	s. Aghite v. m.		
	6 V	s. Tito v. - s. Dorotee v. m.		Cor a masenâ - se nô la roe (a s'impetris.
	7 S	s. Romualt ab.		
✠	8 D	s. Giovenzio vesc. L.P. <i>Setuagèsime</i>		
	9 L	s. Polònie - s. Cirilo di A.		
	10 M	s. Scolâstiche v.		Se al va ploiôs fevrâr - tu pûs (svuedâ il granâr.
	11 M	La Madone di Lourdes		
	12 J	ss. Siet Fondatôrs		
	13 V	s. Fos'ce		
	14 S	s. Valantîn v. m.		San Valentin inglazze la roe cun dut il mulin.
✠	15 D	ss. Faustine e Giovite m.m. <i>Sesagèsime</i>		
	16 L	s. Giuliane U.Q.		
	17 M	ss. Martirs di Concuârdie		La ploe di fevrâr vâl tant che un ledamâr.
	18 M	s. Simeon		
	19 J	s. Giulian m.		
	20 V	s. Eleutèri m.		
	21 S	s. Massimian		
✠	22 D	Cat. di s. Pieri in Ant. <i>Quinquagèsime</i>		Nol va fûr il carnevâl - se no si fâs la lune di fevrâr.
	23 L	s. Pieri Damian L.G. <i>Sevrût</i>		
	24 M	s. Matie ap. - <i>Ultin di di Carnevâl</i>		
	25 M	s. Feliz pape - <i>Prin di di Crèsime</i>		
	26 J	s. Sandri		
	27 V	s. Margarite di Cortone		Fevrâr senze criure, marz si viest di verdure.
	28 S	s. Macari		

Question di onestât...

Nance dispatussadis, sti bambinis
san za, dutis, zuiá di furbetât,
 sioretis di citât
 o contadinis:
train di voli, si voltin, si dandanin
e riduzzin sotedz, spiant l'efiet,
 cimiin di sbighèt
 sol che ur abadin;
e stomi e schene metin in berline,
il pôc o il trop, secònt il furnimènt;
 il rest, par trasparent,
 si lu induvine,
e, se manco si viôt, istès no impuarte
che smenin cuarp e vite, ciaminànt,
 e daùr e denànt
 batinla marce.
Bravis, mo, bravis, pùaris benedetis!
Chès ben tressadis àn ance resòn
 di fá l'esposizion
 des lor belezzis;
ma pur jo stimi che no sei cussienze
di fáur tirá la gole a tanc' biáz,
 e po slungiáur il nàs,
 se mai covente.
Plui oneste maniere e plui cristiane
sarès bandoná i scrùpui.... mi capis,
 e butási al partit....
 che nol ingiane.

Tavàn

La ciase dal desideri

La ciase là c'al sta il miò desideri
'e jé t' un sit piardût tra cîl e mâr:
un cîl serèn e pûr come di veri,
un mâr, compain del cîl, celèst e clâr.
Su la terrazze 'e sta una bieie frute
che spiete e spiete, 'e à l' anime tai vôi.
— 'O ven sigûr; spiètimi, bambinute,
ma al è tant lunc e tant spinôs il troi!

Giovanin Lorenzòn

Marz

Al jeve il soreli a oris 6.32 Al tramonte a lis 5.30 Al duro oris 10.56		Prin quart il 2 (13.07)	Ultin quart il 17 (18.21)	Pronostics dai nestris viei
H	1 D	s. Albin - <i>I Dom. di Crès.</i>		Marz - mene la code pal bearz.
	2 L	s. Simplizi P.Q.		
	3 M	s. Anselmo ab.		Lis timporis o ca justin — (o ca disiustin.
	4 M	s. Casimir-s. Lüzio <i>Timp.</i>		
	5 J	s. Eusèbi		
H	6 V	ss. Perpètuee Filic. <i>Timp.</i>		
	7 S	s. Tomàs di Aquin <i>Timp.</i>		Ute, Mute, Oanane, pan e pes, (Lazaree,
	8 D	s. Zuan di Dio - <i>II di Crès.</i>		Setemane Ulive, Setemane (Sante.
	9 L	s. Frances'ce Romane		
	10 M	ss. Quarante martirs L.P.		
H	11 M	s. Costantin		
	12 J	s. Gregori pape		San Gregori pape - la cisile (passa l'aque.
	13 V	s. Cristine		
	14 S	s. Matilde		
		Comemor. di Umberto I		
H	15 D	s. Zacarie p. - <i>III di Crès.</i>		
	16 L	ss. Ilari e Tazian Patronos de citât di Gurizze		Marz l'intenz — e avrîl (al lenz.
	17 M	s. Patrizi vesc. U.Q.		
	18 M	s. Cirilo vesc. d.		
	19 J	s. Jusèf spôs di M. V. <i>Mieze Crèsime</i>		
H	20 V	s. Ipòlito		Buine anade 'a ven, se a Sant' Josèf al fâs serèn
	21 S	s. Benedèt ab.		albe clare a la Nunziade, anade beade.
	22 D	s. Benvignût - <i>IV di Crès.</i>		
	23 L	s. Fedèl m.		
	24 M	s. Simeon frut L.G.		
H	25 M	La Nunziade - <i>Titolâr dal Domo di Udin</i>		
	26 J	s. Teodoro		Primevere jè rivade, 'e jè stade la Nunziade; ma ancemò qualchi marzade.
	27 V	s. Zuan di Damàsc		
	28 S	s. Zuan di Capistr.		
	29 D	s. Secònt - <i>D. di Passion</i>		Timp fat di gnot — se al dure un'ore — al dure (trop.
H	30 L	s. Amadio		
	31 M	s. Beniamin		

Mafine di primevere

Pe sfese dal balcón l'entre il soreli
te me ciàmare ad ore e a tradimènt,
e al spie par dut: si ciale un lamp tal spieli,
po al ven jù dal sofit sul pavimènt.

E mi cuche in tal jet tra scûr e clâr,
mi busse, mi cuzziè, mi fâs a ciâr...

E mi dismôf e al dis: — Ven fûr di lì,
l'è un piez che il gial ti à dit e' al criche il dì.

Di fûr l'è un piez che il rusignûl al zorne,
e che i colòmps sui cops si dan daûr;
che ti clamin lis pàssaris te gorne:
— *Ce clip... ce clip... sint, sint ce clip... cor fûr...*

*Cor fûr cà fûr tal clip; l'é clâr il dà...
Sint, sint, cà fûr, ce clip... tiriti chi!*

Gial, pàssaris, colòmps e rusignûl
al pâr che vuelin ciòlimi pal cûl.

di avrîl 1923.

Nino Sormani


Violis

Cu lis alis d'arînt te gnot stelade
un ventesèl lizêr al é passât;
al so passâz la tiare jê sveade,
rompint il sium di unviâr,
e sfreolansi i vôi 'e à suspirât.

Tel domàn il soreli pes contradis
del cîl al si fermà maraveât.
Ché boins odôrs 'e lavin come ondadis
di vite gnove vie pel mont creât:
lis violis vie pe gnot erin spontadis.

In chel timp al spontà ance un altri flôr:
il flôr, bambine, di chest nestri amôr.

Giov. Lorenzoni



Dî cugiario, s' jo pues di sedón,
jo sarès un mencion
a fevelâ e no jessi intindût
dentre de vile là ch'io sói nassût.

Colau Murlupin
di Venzón, 1523-70

Avril

Al jeve il sorell a oris 5.40 Al tramonte a lis 6.20 Al dure oris 12.40		Prin quart l' 1 (9.12) Lune plene il 9 (4.33)	Ultin quart il 15 (3.40) Lune gnove il 23 (3.28)	Pronostics dai nestris viei
✠	1 M	s. Ugo	P.Q.	In Avril - si bute la cialze (pal curtîl.
	2 J	s. Francèsc di Pàule		
	3 V	I Siet Dolòrs di M. V.		Ulif bagnât e âs sùz, âs sùz e ulif bagnât.
	4 S	s. Isidoro		
	5 D	s. Vincènz Ferreri <i>Domènie Ulive</i>		
✠	6 L	s. Sisto	L.P. } Setem. Sante	Se al plâf Vinars Sant, arsure l'an dût quant.
	7 M	s. Epifani v.		
	8 M	s. Amànzio v.		
	9 J	s. Demètrio m.		
	10 V	s. Pompeo m.		
✠	11 S	s. Leon I pape		Ros la sere - bon timp si spere Ros la matine - la ploe (si vizine.
	12 D	<i>Pasche</i>		
	13 L	s. Gildo re		
	14 M	s. Justîn m.		
	15 M	s. Vitorîn		
✠	16 J	s. Calisto m.	U.Q.	Avril — âl ploe par sutîl.
	17 V	s. Liberâl c.		
	18 S	Ded. dal Domo di Udin		
	19 D	<i>Domènie in « Albis »</i>		
	20 L	s. Adalgise		
✠	21 M	s. Anselmo vesc. - Nadâl di Rome (723 dev. Crist)		S'al plâf il dì di S. Zorz, il cavalir al va te cort.
	22 M	Patrocini di s. Josèf		
	23 J	s. Zorz m. - b. Eline L.G. di Udin		
	24 V	s. Fedél di Sigmar.		
	25 S	s. Marc evang.		
✠	26 D	ss. Cleto e Marcelin		Bisugne semenâ di... miarcuz.
	27 L	s. Zite		
	28 M	s. Pauli de Crôs		
	29 M	s. Pieri m.		
	30 J	s. Catarine di Siene		Avril ploiôs - an bondanziôs.

Ai flòrs

O flòrs, paróns gentii de la nature,
che ses nassûs cul ridi dal soreli,
sìmbui fedei di vite sante e pure,
che dal amór ses segno gnûf e vieli;

o flòrs tant bieî che al frut furnîs la cune
e dai novîz seis simpri la ligrie,
e che parfin al omp, o gran fortune,
i faseîs sul sepulcri compagne;

o flòrs dai mil colòrs, vivi vorês
sol par amâus, coltâus e par sinti
ché pâs che in sen ai flòrs, si giolt tant spes,

vivi fra i vuestris mil nulòrs, durmi
fra il siun de vuestre vite bramarês
spetânt pognèt fra i flòrs l'ultin miò di.

Pieri Samede dai Marcs

Dai siet vizis capital

Suplârbie

Jo che cioli un brut e ruspi
contadin, un pûar alòc
che 'l fevele sòl di cianis
e che 'l spuzze di pissòc?

Un artist jo vœi, che 'l sedi
galandìn e svilupât;
e se no — ve' cròs di Diu —
stoi vedrane fin che ài flât!

.

Invidie

Duc' mi disin: « Cia' ze biele,
cia' ze butul di sclopòn! »
ma nissùn, fra tanc' batècui
di sposami no l'è bon!

E ché là cun ché bociate
cun chei voi propri di giat
'e à ciatât cùi che la cioli:
brute strie! e ze fantât!

.

Tonin Ciarutìn

Mai

Al jeve il sorelli a oris 4.53 Al tramonte a lis 7.7 Al dure oris 14.14		Prin quart l' 1 (4.20) Lune plene il 8 (14.42)	Ultin quart il 15 (6.46) Lune gnove il 22 (16.48) Prin quart il 30 (21.4)	Pronostics dai nestris viei
✠	1 V	ss. Filip e Jacum	P.Q.	Prin di mai - S. Jacun e Fi-
	2 S	s. Atanasi v.		(lip ciatal;
	3 D	Invenzion de s. Crôs		tiarze di - Sante Crôs ful;
	4 L	s. Gotârt		un pôc plui tart - S. Gotârt
✠	5 M	s. Florean; s. Pio V p.		e tal domân - San Florean cul
	6 M	s. Zuan «ante Port. Lat.»		(spic in man.
	7 J	s. Stanislao v. m.		Vint di mai - bondanze che
	8 V	Apariz. di s. Michél	L.P.	(mai.
✠	9 S	s. Gregori Nazianzàn		
	10 D	s. Antonin arciv.		Se in mai tempieste - nuie
	11 L	s. Francèsc di Jaroni		(no 'l reste.
	12 M	ss. Nereo, Pancrazi		
✠	13 M	e comp. mm.		
	14 J	s. Sigismondo re		
	15 V	s. Bonifazi		Marz sùt, avrìl bagnât, mai
	16 S	s. Zuan de la Salle	U.Q.	(temperât,
✠	17 D	s. Ubaldo v.		beât il contadin ca l'â seme-
	18 L	s. Pascàl Baylon c.		(nât.
	19 M	s. Venànzio m.	Rog.	
	20 M	s. Pieri Celestin p.	Rog.	
✠	21 J	s. Bernardin di Siene	Rog.	S'al plâf il di de Sense,
	22 V	<i>La Sense</i>		quarante dis no si sta senze.
	23 S	s. Giùlie v.	L.G.	
	24 D	s. Desideri v.		
✠	25 L	ss. Donazian e Rogazian		
	26 M	s. Grivôr VII p.		Se al svinte a San Grivôr,
	27 M	s. Filip Neri		in'vin quarante dis a fârumôr.
	28 J	s. Bede doj.		
✠	29 V	s. Agostin v.		
	30 S	s. Marie Mad. de Pazzis		
	31 D	s. Feliz p. m.	P.Q.	Ue di mai - ue assai.
		<i>Pentecuestis</i> - s. Canzian		
		e comp. mm. di Aquil.		

In campagne !

L' àiar l' è clar e al pete un sorelón ;
la tiere mote mande un bon odór !
pai ciamps si spant alegre une cianzón ;
in tai boses i ucei zornin d' amór,
e i ucelùs stan cuiès piulànt tai nìs.
Jo sivilànt 'o vói lunc la stradele
gioldint l' ombrene dai agàs floris :
l' ànime 'e polse in ché zornade biele
come un setôr che strac s' un t' un rivàl
si pon par métisi a durmì. Oh ! ciaris
armoniis de nature che dal mal
il gno pinsîr a dí des oraziions
voltais ! Fra i trois e sui formèns madûrs
'o sint lis litaniis des rogaziions.

Pieri Smede dai Marcos

Fasìn la pàs

Sartôr, parcè seso sî scorozât,
se jo no us ài fat mai niun displasé ;
jo us ài pur simpri riverît e amât,
amâmi anc' vô, c' al é cussì dovè.
Mi vès mostrât gran ben za pal passât
e cumò scorazât vo ses cun me.
Dîmi la cause e dîmi lu parcè,
dîmal, missâr sartôr, ché vuei savé.

Ben spes cun me za fevelá volevis,
s' jo jârî in qualche lûc, vignivis lì,
e « Barburuzze ciare » mi disevis,
« aimè, che ti ami, ch' jo mi sint murî ».
E pur un di ches' dîs chenci sù levis,
e jo tiravi sede, aimè, chi, chi ;
e senze dí bondî nè saludà
par une androne jo us vedei voltâ.

Se ben talvolte cun qualcùn feveli,
jo burli, 'o fâs par passâ 'l timp cussì.
O mio sartôr, mi brusi lu sorèli,
se ami altri che vô, crèdilu a mi.
Vô sartôr di cusî ; jo fâs curdelis
cussì lavorarî duquant lu dî ;
li fuarfis, la gusiele e 'l brazzolâr
vô doprarès, e jo lu miò telâr.
Donce fasìn la pàs, sartôr mio ciâr.

Un Udinês

dal 1600 e alc donge

Juin

Al jeve il sorell a oris 4.19 Al tramonte a lis 7.41 Al durre oris 15.22		Lune plene il 6 (22.48) Ultin quart il 13 (13.44)	Lune gnòve il 21 (7.17) Prin quart il 29 (10.43)	Pronostics dai nestrìs viei
	1 L	s. Marcellin m.		Ai prins di juin la falz tal puin.
	2 M	s. Erasmo m. Muart di Garibaldi (1882)		
	3 M	s. Clotilde reg. <i>Timp.</i>		Frescure in juin, il rap in cuàr e la ruvine del mulinàr.
	4 J	s. Quirin m.		
	5 V	s. Bonifazi v. m. <i>Timp.</i>		
	6 S	b. Beltràm <i>Timp. L.P.</i> Pat. di Aquil.		
⊕	7 D	s. Robèrto Fieste dal Statùt		Ploe a S. Barnabà, il vin al va.
	8 L	s. Elisabete		
	9 M	ss. Prin e Feliciàn mm.		
	10 M	s. Margarite reg.		
⊕	11 J	<i>Corpus Domini</i> s. Bàrnabe ap.		Nâl a lane - pò durà une (setemane; nâl a scialins - ploe a slavins; gradesane la matine - (buras'ce vizine
	12 V	s. Basilide e Comp. mm.		
	13 S	s. Antoni di Pàdue <i>U.Q.</i>		
⊕	14 D	s. Basili dot.		
	15 L	ss. Felize Fort. di Aquil.		Cereci vizin — ploe lontàn; cereci lontàn — ploe vizin.
	16 M	s. Francèsc Regis		
	17 M	s. Ciriache m.		
	18 J	s. Efrem dot.		
	19 V	ss. Cûr di Gesù		Il timp e' al còr a S. Zuan al còr dut l'an.
	20 S	s. Silveri p.		
⊕	21 D	s. Luìs Gonzaghe <i>L.G.</i>		
	22 L	s. Nicete arc. di Aquil.		
	23 M	s. Zenòn		A S. Pieri - il soròs plate il (puieri
	24 M	s. Zuan Batiste		
	25 J	Cûr Eucaristic di Gesù		
	26 V	ss. Zuan e Pauli mm.		
	27 S	s. Zòilo		
⊕	28 D	s. Ireneo v. m.		
	29 L	ss. <i>Pieri e Pauli ap. P.Q.</i>		
	30 M	Comemor. di s. Pauli		

Pronostics

La giate 'e fas la mate: ploe, sigûr
Ance 'l fun de nape, di ché bande,
al segne tante ploe che Dio la mande
e ploe al segne, la jù abàs, chel scûr.

Ma se dut chest nol fos avonde, 'o sint,
rabiôs, tai pîs, a roseâmi i cai.
Segno di ploe, si sa... E duc' chei gîai
che ciantin par dispîet... Ploe, che s' intint!

Ma eco da montagne un bon garbîn
— soflânt come un gran folo — saltâ fûr
e rindi clâr il cîl t' un momentin.

Alore, adio pronostics! Nie plui scûr
là jù. La giate 'e duâr. Dut l'è cidin,
e Febo trionfânt al rit di cûr! *F. Galiûs*

Se i cròz véssin dinc'...

... « Devânt ch' jo fos madôr,
bevevi par signôr,
scolavi di valènt quatri bocai,
e cumò un sol bocâl
mi fas voltâ 'l zerviel e mi fas mâl...

Stoi sol, mi ciali in spieli
e di': no sói za vieli;
sibèn c' ài sessant' agn, sói zovenét
di fuarzis e di cûr.

Donce no mi lassâ, Magrine sûr!

No bandonâ, Magrine,
no lassâ, fantuline,
lu veciarèl, lu to fidèl madôr;

lâssiti un poc vedê,
lâssiti, ciare vite, un poc gioldê,
cu ciart, amôr miò fin,

un nobil presentin
ti vueri donâ di presi e di valôr.

Fami un di consolât,

lâssiti un di, cûr miò, nuliti 'l flât! >...

Cussì 'l vecèt sustave,

valve e suspirave

lontàn de biele, ma crudèl Magrine,
quant jù dal taulin

fasè ciadé 'l so giat un flasc di vîn.

Alore il veciarèl

piardè quasi 'l zerviel,

e 'l vîn spandût vidint, restà svinît
e cridà cun furôr:

« Maladete Magrine e 'l Dio d' amôr! »

Un Udinês — dal 1800 e alc donge

LA

GNOT D'AVRIL

MÛSICHE
dal Mestri ARTURO ZARDINI

PERÀULIS
di PIERI ZORÙT

NB. Cheste mùsiche 'e fâs part de racolte complete dai cianz dal Mestri
A. ZARDINI che vegnarà dade fûr dal editôr C. MONTICO di Udin.

STROLIC FURLÀN
pal 1925

LA GNOT

PERAULIS DI P. ZORÙT

Andante *pp (a bocca chiusa)*

La gnot s'im - brune, cia - ris chès ste - lls, clare chè

lune, e' sês ben bie - lls, ce fir - ma mèt dut risplendèt . . .

L'àlar cu - iet dome ogni tant un ze-fi -

rèt va svintu - lant rosis e flors di mil o - dørs; jè prime-

D'AVRIL

MÛSICHE DI A. ZARDINI

AFRETT.

ve-re i - na - mo - rade, svolè il - zere spandint ro-

pp rall.° I.° Tempo

sa - de cu' la zu-miele par la ta - vle - le . . .

rall.°

Cidin, ci-

. . . Cidin, cidin . . . ven jù il ro-iuz . . . a-li vicin

din ven jù il roiuz . . . a-li vi - cin . . . son i u-ce-

rall.°

. . . son i u-ce-lùz . . . in-durmi-diz . . . in tai lor nîz.

lùz . . . indurmidiz . . . in tai lor nîz . . .

LA GNOT D'AVRIL

La gnot s' imbrune,
ciarîs chês stelis,
ciare ché lune,
e' sês ben bielis,
ce firmamènt
dut risplendènt !

L' àjar cuïet,
dome ogni tant
un zefirèt
va svintulànt
rosis e flors
dî mil odôrs !

Jè primevere
inamorade,
svole lizere
spandint rosade
cu la zumiele
par la taviele.

Cidin, cidin
ven jù il rojuz;
ali vicin
son i ucelùz
indurimidiz
in tai lor nîz.

PIERI ZORÛT

Lui

Al jeve il sorell a oris 4.14 Al tramonte a lis 7.46 Al dure oris 15.32	Lune plene il 6 (5.54) Ultin quart il 12 (22.34)	Lune gnove il 20 (22.40) Prin quart il 28 (21.23)	Pronostics dai nestrìs viei
--	---	--	--------------------------------

H	1	M	Preziôs Sanc di Gesù	L'ombrene d'estât - fâs mâl (d'unviar.
	2	J	Visite di M. V.	
	3	V	s. Eliodoro vesc. di Altin	
	4	S	s. Uldari	
	5	D	s. Filumene	
H	6	L	s. Romul L.P.	Il timp ca si fâs di gnot — (no'l dure trop; chel ca si fâs di misdi — (al dure dut il di.
	7	M	ss. Cirilo e Metòdi v.v.	
	8	M	s. Elisabete reg.	
	9	J	s. Letizie	
	10	V	ss. Feliz e 7 fradis m.m.	
H	11	S	s. Pio I p. nat. di Aquilee	A Sant'Ermacul la blave va in penacul.
	12	D	ss. <i>Ermacore e Fort.</i> U.Q. Patronos di Aquilee, di Udin e di dut il Friul.	
	13	L	Ded. de Basil. di Aquilee	
	14	M	s. Bonaventure v.	
	15	M	Il Redentôr	
H	16	J	La Madone dal Càrmini	Se ciate bagnât (<i>la canicule</i>), (<i>'a lasse bagnât.</i> se ciate sût, <i>'a lasse sût.</i>
	17	V	s. Alèssio	
	18	S	s. Camil de Lellis	
	19	D	s. Vicènz di Paule	
	20	L	s. Margarite v. m. L.G.	
H	21	M	s. Prassede v.	Diu nus uardi dal sut tra lis dôs Madonis.
	22	M	s. Marie Madalene	
	23	J	s. Apolinâr v. m.	
	24	V	s. Cristine v. m.	
	25	S	s. Jacum ap.	
H	26	D	s. Ane mari de Madone	Ciase tante di sta, braide tante di coltà, prât tant di cialà.
	27	L	s. Pantalòn	
	28	M	ss. Nazari e Celso P.Q.	
	29	M	s. Marte v.	
			Muart di Umberto I (1900)	
	30	J	s. Abdòn e comp. m.m.	Fones in quantitât, an tribolât.
	31	V	s. Ignazi c.	

Ciant del rusignûl

Donge un buscûl indurmidît un di
dal ciant d'un rusignûl io foi dismôt,
e al mi pareve che al disès a mi:
Va, cîr! va, cîr! di di e di gnot!
Alore in tal pinsîr 'e mi vignì
Nine s'ciampade, e al cûr mi dè un gran bot,
tant plui che in altri viars sintii cussì:
Ciar fi, ciar fi, ciar fi, va vie di trot!
Par cori infâz mi alzai dut sbigutît,
ma subit mi legrai, che in altri ton
sintii: *Cîr, cîr la pâs in altri sît!*
Jo i domandai in ce lûc, e in qual ciantôn
cu à pâs un che d'Amôr al è ferit.
Ma — al fuì, senze plui dî, chè nol fo bon!

Gabriel Paciani, di Cividât
'l à scrit puisîis dal 1745 al 1781

Anime in pene

(Premi di III grât al Concòrs di poesie dal 1924).

Ce biel chel gno frutìn. Nance il soreli!
Al veve i vôi plui neris dal ciarbòn;
la boce come un butul e il cerneli
alt. E rizzòt al ere. Biel, bielòn!
'O vevi dome lui par gno confuart
e ance lui mi è muart!

Signór, Signór, parcè no mi àstu ciolte
me pal gno frut? Tant che Ti ai preât!
In zenoglòn 'o Ti disevi Scolte
la me preiere, fâs ste caretât:
se proprit un di nô Tu ûs vê cun Te,
Signór, ciòlimi me!

Invezi!... Ma se il gno patì tu sâs,
se Tu cognossis duc' i miei tormèns,
ciolmi; di chiste vite senze pâs,
di chiste vite che par me no à sens
senze nissùn afiet! No.. miôr muri;
ce fa vivi cussì?

'O vevi un frut, il frut dal prin amôr,
dal prin e sol amôr e Tu chel frut
Tu m'al às ciolt. Signór, o bon Signór,
ciolmi ance me, Ti prei! Cun qual custrût
puèdio vivi ancimò, vivi cussì?
Mil voltis mior muri.

Fàbio Galîus

Avòst

Al jeve il sorell o oris 4.42 Al tramonte a lis 7.18 Al durne oris 11.38		Lune plene il 2 (12.58)	Lune gnove il 19 (14.15)	Pronostics
		Ultin quart 1' 11 (10.11)	Prin quart il 27 (5.46)	dai nestris viei
✠	1 S	s. Pieri « da Vinc. »		
	2 D	s. Alfòns de Liguori L.P.		La prime ploe d'Avòst, rinfres'ce il bosc.
	3 L	Invenzion di s. Stiefin		
	4 M	s. Domini c.		
	5 M	La Madone de nêf		
✠	6 J	Trasfigurazion di N. S.		Cui c'al svange la vit d'Avòst al jemple la ciànive di mòst.
	7 V	s. Gaetàn c.		
	8 S	ss. Ciriaco e comp. m.m.		
	9 D	s. Romàn m.		
	10 L	s. Laurinz diac. m.		Se al plûf a San Laurinz, la campagne la vinz.
✠	11 M	ss. Tiburzi e Susane U.Q.		
	12 M	s. Clare v.		San Laurinz — pulz di puartà (vie cul cuinz.
	13 J	ss. Ipòlito e Cassian m.m.		
	14 V	s. Eusèbi c.		
	15 S	<i>Assunzion de Madone</i>		San Vicènz la gran criure, san Laurinz la gran ciadure, l' une e l' altre pôc 'a dure.
✠	16 D	s. Gioachìn - s. Roc		
	17 L	s. Milie		
	18 M	s. Eline imp. (Non de Regine)		San Roc — dà la clâf a ogni (pitòc.
	19 M	s. Giacinto c. L.G.		
	20 J	s. Bernàrt ab. dot.		
✠	21 V	ss. Donât e comp. m.m. Patronos di Cividât		
	22 S	ss. Timòteo e comp. m.m.		Cui c'al duâr d'Avòst, al duâr a so cost.
	23 D	s. Filip Benizi c.		
	24 L	s. Bortul ap.		
	25 M	s. Vico re		
✠	26 M	ss. Ermògene e Fort. m.m. di Aquilee		San Bartolomio - la cisile (va cun Dio
	27 J	s. Josèf di Calasanzi P.Q.		
	28 V	s. Agustin v. dot.		
	29 S	Decolaz. di s. Zuan Bat.		Joihe vignude — setemane (issude, ma cui ca no l'â ce mangiâ l'â tre dizûns di contâ.
	30 D	s. Rose di Lime A Udin, in Domo, s. Eugènio, protetôr de citât.		Tiere nere fâs bon gran, tiere blanche fâs muri di fan.
	31 L	s. Raimondo c.		

“Lista cibaria negativa,,

Jo sói un pùar veciut che sta benòn,
e se una dì per cās mi sinti mal,
no mi compuarti cuntra la rasòn;
miedi e rimiedi sai ben ze che val;
mangi poc, stoi cuìet, no foi strapàz
e mi ciali dal cialt e da la glaz.

Ma vivi come duc' quant che stoi ben,
al mal no vuei pensà che vegnarà,
l'è avonda di curàlu quant che 'l ven,
ma fin che 'l sta lontàn, lassinlu là.
Se si trema spietànt duc' i malàns,
si jè malàz di plui quant che si è sans.

Ma pai dotòrs di vuè no l'è cussì;
lor disin che bisugna vé terór
per ogni malatia che pól vignì
e prima che nol rivi fàigi onòr,
al pericul pensà duc' i momènz
e dal ben che si jà no sei contènz.

Cussì se tu ti sintis a gustàt
di consultà no jastu l'apetìt,
dèvistu fa un prozzès a ogni plat
e domandà il parè d'un bon perit;
ogni pìatanza jà di dentri via
ziart la semenza d'una malatia.

Il brùt: sostanza che ti dà confuart,
ma di sài assassìns contèn un sac
e il sal che il zervieli rint plui fuart,
lis venis ti rovina e.... *patatràc*.
Il brùt - cumò si sa - al è un velèn,
si def lassàlu stà se si ul sta ben.

E pazienza; mangìn i mignestròns.
— Ti sglonfin chei il stomit cun gran dan.
— Salata? jà di mèrobos milions;
ogni foja jà dentri il so malàn.
Verdura cueta o cruda messedanza,
patatis e fasui dān mal di panza.

La ciār ti causa dutis lis miseris,
ti quarta il baticùr e l'albumina,
ti strenz li venis, t'induris li artèris
e lis cuviarz di dentra cun cialzina.
(... Se pesa su lis bestis tant misfàt,
vivin manz e poléz l'eternitàt).

Setembar

Al jeve il soreli a oris 5,25 Al tramonte a lis 6,34 Al dure oris 13,8		Lune plene il 2 (20.53) Ultin quart il 10 (1.13)	Lune gnove il 18 5.18) Prin quart il 25 (11.51)	Pronostics dai nestris viei
H	1 M	s. Egidi - s. Vitòrio Non dal Re		Sant' Egidi ti dirà ce colôr che il mès varà.
	2 M	s. Stiefin re	L.P.	
	3 J	ss. Eufèmie e comp. m.m. di Aquilee		
	4 V	s. Rosàlie - s. Pelài m.		Se di joibe il soreli al va tal
	5 S	s. Laurinz Giustinian v.		(sac, no ven domènie ca no peti
	6 D	s. Emidio		(un svuac.
	7 L	s. Anastasi m. di Aquil.		
	8 M	Nàssite de Madone		
	9 M	s. Gorgòn m.		Se al plâf a S. Gorgòn, siet montanis e un montanòn.
H	10 J	s. Nicolò di Tol. c.	U.Q.	
	11 V	ss. Proto e Giacint m.m.		
	12 S	ss. Non di Marie		
	13 D	s. Amât		
	14 L	Esaltazion de s. Crôs		A Sante Crous - pan e còculis.
	15 M	La Madone dai 7 Dolòrs Nàssite dal Princip Ereditari (1904)		
	16 M	s. Cornèlio	Timp.	
	17 J	Lis Stîmatis di s. Franc.		
	18 V	s. Josèf di C.	Timp. L.G.	Lune setembrine a siet lunis s'inchine.
H	19 S	ss. Zenâr e comp.	Timp.	
	20 D	s. Eustàchi e comp. m.m. Fieste nazional (1870)		
	21 L	s. Matjo ap. e vang.		
	22 M	s. Tomàs di Vilegnove		Cidivòc — tant il dì che la (gnot.
	23 M	s. Lin p. m.		
	24 J	La Madone dal Marzedi		
	25 V	s. Pacific	P.Q.	
	26 S	ss. Ciprian e Justine m.m.		A San Michél il marangòn (impie il pavèr
	27 D	ss. Cosmee e Damian m.m.		e a Sant' Jusèf lu distude.
H	28 L	s. Venceslao		
	29 M	s. Michél Arcagnul		A San Michél vin la montane e la cistine in te tamane.
	30 M	s. Jaroni dot.		

La ciar e il pes, si sa - l'è proverbial -
che son i plui contraris alimènz;
a l'ànima la ciar di spes fàs mal
e la Glèsia dà il pés ai penitènz.
Ma no esist par i miedz diferenza
e val par duc' i doi una sentenza.

L'ûf! lu crodeva ognùn bon nutriment,
ma nància lui no l'è senza peciat;
tai to intestins ti puarta il tradimènt
e il ventricul par lui spes l'è malàt.
(Senza aligria sintìn al dì di vué
la gialina che fàs il cocodè).

Cialassi da lis pomis cun rigór,
la còlica ti dà e il mal di mar.
Butà ta grapa 'l vin e ogni liquor
il sanc ti brusin plui che no l'infiar.
Il lat ti dà la nàusea che stomeia
e il cafè neri.... chel po t'intosseia.

Formadi l'è picànt e traditór,
persùt, nància cialàlu, l'è impestât.
Basta par lá in t'un lamp al Creatór
un sol granèl di pevar masenât.
Nè salàmp, nè lujanis met in bòcia
o abandonà chist mont presto ti tòcia.

La polenta è abolida, parzé implena,
ti fàs pesànt di dì dopo il gustàt,
ti ciol il sun se la jas vuda a zena;
cun je no sés nutrit, sestu saziat.
Ze che l'è dolz di dentri ti rovina
e cul diabète intorbidis l'orina.

— Zemùt nutrisi allora! di aga e pan?
— Ze pan! ze aga! in nom dal to Signór!
son ància chei nemis dal cuarp umàn;
il pan t'ingruessa il sanc che l'è un orór,
l'aga remèna e dá fadia al cur,
nus puarta debolezza e po si mur.

E allora po, il dizùn? - No, nància chel,
che propri chel sei san no l'è provàt.
L'é il mior di dut par l'on, il stat plui biel
rinunzià a la salùt e sei malàt,
cussì no jà di fa nuja in cusina
e.... lu nutrissin cula medisina.

Ofubar

Al jove il sorelli a oris 6.15 Al tramonte a lis 5.45 Al dure oris 11.30		Lune plene il 2 (6.26) Ulin quart il 9 (19.34)	Lune gnove il 17 (19.6) Prin quart il 24 (19.38) Lune plene il 31 (18.19)	Pronostics dai nestris viei
H	1 J	s. Remigio v.		Co no si pò vendemà si scuen contentàsi di ras'cià.
	2 V	ss. Agnui custodis L.P.		
	3 S	s. Dionis		
	4 D	s. Francèsc d'Assisi		
	5 L	s. Placit e comp. m.m.		
H	6 M	s. Brunò c.		Ohel che la joibe l'impromèt, il vinars lu atint.
	7 M	La Madone dal Rosari		
	8 J	s. Brigide vèdue		
	9 V	s. Eleuterie comp. U.Q.		
	10 S	s. Francèsc Bòrgia		
H	11 D	s. Firmin		D'atòm e di marz — la gnot e il di si spart.
	12 L	s. Serafin		
	13 M	s. Edoardo re		
	14 M	s. Calisto p. m.		
	15 J	s. Tarésie v.		
H	16 V	s. Gial v. ab.		Se a San Gial l'è sut, l'istât daür al bruse dut.
	17 S	s. Edvige ved. L.G.		
	18 D	s. Luche evangel.		
	19 L	s. Pieri d'Alcântare		
	20 M	s. Zuan Cànzio c.		
H	21 M	s. Ursule e comp. m.m.		San Simòn e Giude — la rave (ven madure; o madure o no madure — si (la met sot sieridure.
	22 J	s. Sever		
	23 V	s. Severin		
	24 S	s. Rafaèl Arcagnul P.Q. La Madone di Gràzie		
	25 D	ss. Crisantee e Dàrie m.m.		
H	26 L	s. Evaristo p. m.		San Roc al da la clâf a ogni (pitòc, e San Simòn le torne al (paròn.
	27 M	s. Fiorenzo		
	28 M	ss. Simòn e Giude ap.		
	29 J	s. Narcis		
	30 V	b. Benvignude Boiane di Cividât		
	31 S	s. Volfango ab. L.P.		A San Simòn si tire su la (cialze e il scufòn.

Il velén dai dotòrs no fas murì,
sestu malat, dal mal no às pluì paùra
e invezze di tremà simpri cussì,
l'è mior jessi malàt adiritura.
L'è pluì seciant il carzar preventif
che la presòn che ten fin ch'un l'è vif.

Gurizza

Alberto Michelstaedter

La Muari

(Par D. Cecilie Cornèlie, nobil veneziane).

Brute stampe di vués, viele crudèl,
zuce discrodeade, dine' scussâz,
spàdulis dislussadis, flevars brâz,
senze sanc, senze ciarn e senze pèl;
corbàm rustit, cu n' à segnâl in chël
di pindui, di bultrìc, nì di sflombâz,
schinâl, cossai, jambis e pîs seciâz
e dute con duquane' lievul e fèl;
cirviel, uldide, lûs, nulôr e vôs
tu no' nd às pur fruzzòn, tu n' às vistîz
n'altri di pruopi e' un falzèt raibôs,
nì parìnt di verete nì misclîz.
Ei! si fas fieste con si puoce vilie
di tâl dumbluzze, di sì bieie Cilie!

Zambatiste Donât
di Puart Gruâr 1594

Vilofis

Cui vôi plens di soreli....

À si sùin su la ciaranda
i pezzòz e 'l ninzulùt;
fas la nana ché pissona,
ta buciuta a ja 'l didùt.

Vanzùns da vita....

'A tu duarmis t'una zea,
son slambrâz i to pezzòz:
no tu às mari, a' ti ciantin
nana - nana dome i croz.

Ugo Pellis

Novembar

Al jevel sorelli a oris 7,4 Al tramonte a lis 4.56 Al durre oris 9.59			Ultin quart il 8 (16.13) Lune gnova il 16 (7.58)	Prin quart il 23 (3.5) Lune plene ii 30 (9.11)	Pronostics dai nestrìs viei
H	1	D	<i>Duc' i Sanz</i>		I Sanz lu scomenzin — e
	2	L	Com. dai Muarz		(sant'Andree lu finis.
	3	M	s. Just Patrono di Triest		I muarz o ca justin - o ca
	4	M	s. Carlo Bor. arciv. Fieste de Vitòrie (1918)		(disjustin.
H	5	J	s. Alegri		
	6	V	s. Leonàrt		
	7	S	s. Prosdocim		La vite 'a è come un rigadin,
	8	D	s. Quatri Coronâz U.Q.		un fil blanc e un turchin.
H	9	L	s. Teodoro m.		
	10	M	s. Andree Avelin		
	11	M	s. Martin vescul Natalizi dal Re (1869)		
	12	J	s. Martin pape		L'istadele di San Martin —
H	13	V	s. Didaco c.		dopo tre dis 'a pò vé fin.
	14	S	s. Giosafât v. m.		
	15	D	s. Geltrude verg.		
	16	L	Dedicazion di dutis L.G. lis glesiis da l'arcid. di Udin		
H	17	M	s. Gregori vesc.		Un bon vassèl di vin e une
	18	M	Ded. de Basil. di s. Pieri		(brave fantate
	19	J	s. Elisabete ved.		si vendin a ciase.
	20	V	s. Feliz c.		
H	21	S	La Madone de Salût		
	22	D	s. Cecilie v. m.		
	23	L	s. Clemènt p. m. P.Q.		A Sante Catarine - il frèt al
	24	M	s. Grisògono m.		(va in cusine.
H	25	M	s. Catine v. m.		
	26	J	s. Silviestri ab.		
	27	V	s. Valerian vesc. di Aquil.		Ogni robe al so momènt:
	28	S	s. Grivôr III pape		i raüz al prins d'avènt.
H	29	D	s. Saturnin - <i>I di Avent</i>		Se a Sant'Andree nol nevea
	30	L	s. Andree ap. L.P.		spètile par Nadâl, se nò no é maravee di là fùr nèz auål.

Disperade ciamoe

Za ch' jo cognòs che tu no mi ùs plui ben
anc' jo no ti vueil stàti plui visin,
ma vueil leià une scove in cime un len
e par il mont vueil là spaceamin.
Jo mi contenterai durmí sul fen,
mangià poc pan e bevi manco vin.
Ma tu, crudêl, ses cause dal miò mâl;
prei Amôr cu ti impiri cun un pâl.
Mos' cis, mussóns, tavàns e galavróns,
zupèz, grís e furmìis ti salti atòr,
ti pici gispis, ràins e scorpíons,
ti vegni incuintri ogni nemâl cu cor.
Vorés vedêti plene di glendóns
che, par mazzáiu, tu scugnis lá in t'un for.
Revòc ti fos ogni bocón tu gloz,
quant che tu bês, ti vegni lu sanglòz...
La prime volte che al to nemorât
tu i rids, ti salti fûr la lus d' un voli,
e cu che l' altri resti scocolât,
senze ciatâ nissùn cu ti consoli...
Se in su la fieste mai vas a balâ
ti salti in miez dal bal la scagarole
che ognùn di te vebi ce fevelà...
Quant tu ti viest a la domenicâl
vorés vedêti dute petolóns,
senze piece di spalís nè grimâl
che tu mostrâs la cragne sui talóns...

Un Udînés — dal 1600 e tanc'.

Nadâl

Al é Nadâl, e il soreli 'l é bas,
lis violis sot dal pin ingrizignidis,
la nef che lûs e criche sot dai pas,
lis fêminis che zirin, imburidis.
E dut intôr, il pizzul mont al tâs;
no sizichin lis fueis, e son sparidis
lis cisilís, e vie cui flôrs lis âs,
lis pàssaris che restin, matunidis.
Al é Nadâl: tes ciasis ben tapadis
'e si tire la înt sul fogolâr;
di fûr e' son lis stêlis impiadis,
la tiere blanche 'e jé dute un altâr...
E dové, dopo fatís tantis stradis,
parturí in t' une stale, in plen unviâr.
Maria Mulinari Pietra

Dicembar

Aljeve il sorell a oris 7.40 Al tramonte a lis 4.20 Al durre oris 8.40		Ultin quart il 8 (13.11) Lune gnove il 15 (20.5)	Prin quart il 22 (12.8) Lune Plene il 30 (3.1)	Pronostics dai nestris viei
✠	1 M	s. Candit		Dicembar al ciól, ma nol (torne.
	2 M	s. Cromazi v. di Aquil.		
	3 J	s. Francèsc Savèri c.		
	4 V	s. Bàrbare v. m.		Sante Bàrbare e San Simòn, nus vuardin dal folc — e da (ogni ton.
	5 S	s. Sabe ab.		Sante Bàrbare benedete nus (vuardi
	6 D	s. Nicolò v. <i>II di Avènt</i>		dal folc e da saete.
✠	7 L	s. Ambròs v. dot.		
	8 M	<i>L'Imacolade Conc.</i>	U.Q.	
	9 M	s. Siro		
✠	10 J	La Madone di Lorèt		Sante Lùzie - il frèt al cùzie.
	11 V	s. Damàs pape		
	12 S	s. Valeri ab.		
	13 D	s. Lùzie v. m. <i>III di Avènt</i>		
	14 L	s. Spiridion v.		
✠	15 M	s. Massim	L.G.	La nèv denànt Nadàl — 'a (fàs solàr.
	16 M	s. Eusebi v. m.	<i>Timp.</i>	
	17 J	s. Lazar risussitât		
	18 V	s. Desideri	<i>Timp.</i>	
	19 S	s. Sabine	<i>Timp.</i>	
	20 D	s. Zuan Marinòn <i>IV di Avènt</i>		A Nadàl — un pìt di gial, a l'Epifanie — un pìt di strie.
	21 L	s. Tomàs ap.		
	22 M	s. Demètrio	P.Q.	
✠	23 M	s. Vitòrie		
	24 J	s. Adele - s. Irme v.		
	25 V	<i>Nadàl</i>		A madins cul colm di lune, l'an daùr furtune
	26 S	s. Stiefin prin mart.		
✠	27 D	s. Zuan ap. e vang.		
	28 L	ss. Nozènz		
	29 M	s. Tomàs vesc. m.		I sis ultins dîs da l'an e i sis prins indichin lis mesaiz.
	30 M	s. Anastàsie m.	L.P.	
	31 J	s. Silviestri pape		

A scuele... e fûr

I.

*La mestre 'e jè voltade,
'E ciale pal balcòn
Silvio, chel buridòn
Plantât tal miez de strade.*

*Je 'e ciale, e intânt un frut
Al dîs su la lezion:
— Biele consolazion! —
Al suspire Masût,*

*— Viôt là i sturnei sui cops;
Noaltris in presòn,
E lor a torzeòn
Su e jù pai ciamps a trops!*

*Pùare mestre, 'e la paie:
Al è entrât un scussòn
E al nas un rebaltòn
Fra dute ché canaie.*

*E' tachin a sberlâ:
— Dai c'al jés dal balcòn! —
— Al è lât tal ciantòn! —
— Vêlu cà! Vêlu là! —*

*Duc' si tegin i flancs;
Masût l' è il caporion
Di ché rivoluzion,
E al salte atôr pai bancs.*

*La mestre a chel davòl
'E cor, 'e dà un sbrissòn,
S' intope in chel bricòn,
E jù a fàs duciudoì:*

*— Mostro di un lazaròn;
O Dio, ce tombolòn! —
Lui al zure e al proteste
Che no lu à fat apueste,*

*Ma je batint la solfe sul daûr:
— Ciape su moscardin! — Lu pare fûr.*

II.

*Petât e scuintiât,
Masût si ciate in strade,
Al si dà une spacade
Come un cian bastonât,*

Al ciale atòr : nissùn !

*Al sbrisse come un giat
Pe cise tal ruat,
E vie che i par un siun.*

*Vie, vie, lontàn de strade,
Vie, sivilànt pal prât
Tan che un franzèl s'ciampât
Fûr da rêt de oselade :*

*— O ce biele zornade ! —
E al côr sot i filârs,
Al salte pai agârs
Che lusin di rosade.*

*Al jentre te boschete :
— Ta chel pòul l' ere un nît
E cumò al è sparît ;
Saràn stâs chei di Betè ! —*

*Dut no 'l sarès pierdût
S' al ciatàs un saût
Di podè fà un selizzòt
O ben un sivilòt ;*

*Ma no 'l fàs nance ad ore
Di cumbinà ché vore,
Che al sint aghe che cor
E al rive su la Tor.*

*Ce fieste, ce ligrè
Di grïs te pradarie !
Òdulis e culèz
E' matèin pai salèz*

*E vie pe' grave che si piert lontàn
Tra i roncs di Buri e chei di Savorgnàn.*

III.

*Masùt biel ciaminànt
Tra steccs e clàs e glèrie,
Al pense : — Ce misèrie ! —
Ma l' aghe 'e cor ciantànt :*

*'E zuie cui venciars
Cressûs sot al rivâl,
'E salte cuintri un pâl
Donge une rie di olnârs.*

'E polse tai fondòns
Clare, colór dal cîl,
I dá di vivi a mil
Mos'cîns e giavedòns,

E po cidìn' cidîne
'E sbrisse vie pe' glèrie,
Si piert ta ché misèrie,
Sparis ta ché rovine.

Masùt al à ciatât
Su la roste di un gore
Une giambe di sore
Di chês da l'an passât;

An fas fûr une « muele »,
E pognèt sul roiel
La fâs cori: — O ce biel!
Ce gust! Plui che no a scuele!

Ma l'àiar al ven scûr,
Al sint c'al poche Dree,
S'impense de famee....
O ce sgrisui tal cûr!

— Co ben si à di ciapâlis
Almancu meretâlis:
Ma dut par un scussón
E par lâ a torzeón!

Orès viodi gno pari c' al è vieli
A stá in ciase sierât co l' é soreli! —

IV.

No covente che us disi,
Mi pâr, cemût ch' jé lade
A finì ché zornade:
Za quarant' ains mi visi

Di vént finide une
Compagne, al clar di lune
Tra i sanglôz di me mari
E i scufioz di gno pari;

E voaltris, di fruz,
No sarês stâs di bant:
Varês fat altretânt
A scuele e sul roiuz.

*Dunce lassin Masùt
Che dopo ché cucagne,
Bessòl par la campagne
Al viot il diaul par dut;*

*Lassinlu là stremùt
D' intopàssi tes striis,
Lassinlu di bausiis
Tornât ch' al sei tal nît;*

*Al paiará la pene:
Al fasará di cene
Cui sculazòns de mari
E lis uis' cis dal pari.*

*Ma che sei vece o gnove,
O garbe o cence sâl,
Ogni stòrie, no zove,
'E à di vé la morâl;*

*E ben che a prime viste
No s'impàr gran, tal câs
Dal nestri pùar Tomàs
'E podarès sei chiste:*

*Cui che al ûl vé polente e no bastòn,
C' al pei il mùs là c' al ûl il paròn.*

Tresesin - Setembar dal 1924.

Spartaco Muratti

In ocasion d'une ariete ciantade da une fantate

Benedete che' bociute,
che' musute d'agnulùt,
chel trilùt e che' gurgute
che ven fûr da chel cuilùt!

Dut mi po', ma che' graziute,
chel brilá di chel voglùt,
chel gestí di che' manute
mi console plui di dut.

Jo no pues stá salt in casse,
ché mi sint un no-sai-ce
che lu cûr al mi trapasse;
une smànie sint in me
che, se prest a no mi passe,
dut in brût jo vói, lafè!

Rispueste de fantate dade al autôr

Benedete che' manute
che mi à scrit chel sunetùt
che 'l à tante graziute,
che 'l pàr fat da un agnulùt

E 'l mi à fat consolá dute
a sintí cun chel sistùt
a laudá la me buciute,
la vusute e ance il trilùt.

Mi displàs che, se no i passe
che' so smànie del diaulùt,
el va in brût lajù pe Basse;
ma - cumò ch' jo pensi a dut,
no 'l é mâl c' al si sta in casse:
za ciar viere fas bon brût!

*Gabriel Paciani, di Cividât
'l à scrit puisiiis dal 1745 al 1786*

A confessâsi

I

Un frut al ti va a confessâsi.

— Sior plevàn, invezè di là a scuele sói lât a fá la ravuede tal prât.

— Ravuede? mo, ze ìsie chiste robe? — i domande 'l plevàn.

— No 'l sa ze che jé la ravuede!? che 'l spieti che i mostri!

Al si ciape sù e vie lui tal miez de glèsie, e là t'imfronte li mans par tiare, al alze lis giambis che ti van a colâ di che' altre bande, e 'l torne a fá la ravuede daur-màn, robis che no i dei dentri tal altâr! Ches fèminis a lì che ti spietin tal banc di là a confessâsi, si cialin une cu l'altre cun t' une muse lunge lunge.

— Ciale ze pensativis che 'l ja vuè el plevàn — si zisi-chin — viodèt se pensativis, ze pinitinzis che al dà. Anìn, anìn a meti li mudandis che no nus toci ance a nô di fá la ravuede! Mandi, Tine, mandi, Lùzie! Juste ben, ái lavadis air jo li mudandis — E une a la volte fur di bot, zidinis, zidinis.

II

Un on al ûl là a confessâsi, ma 'l plevàn al é malât tal jet. Ze 'l vèvè di fá? Al dizzît di là a ciase so. Al ti va donge dal jet e 'l scomenze a contâi i peciâz. Ma biel che 'l al ti ciacare, ti vualme sot vie dal jet un zei plen di salâmps nostrâns.

Diù, ze gole che i fasin chei salâmps grues come conolis. A planc a planc al tire fur un e svelt lu plate ta barghessis.

— Ben — al dis el plevàn — vèso ancemò ale di contâ?

— Sior plevàn, jai robât un salâmp.

— Mal fat, fi miò!

— Jai robât ancemò un!

— Orpo, viôt di no fá mai plui cussi, sâstu?

— Jai robât ancemò un!

— Ma sint, dimiu duc' in t' une volte!

— E, sior plevàn, incuintri che mi vegin su, ve!

Finît di robâ i salâmps, al ciape la 'soluzion e vie lui dut contènt a ciase so a fá un bon toe'. Ma quant che 'l predi, puerèt, al ti dà une ociade di sot dal jet par viodi dai siei salâmps:

— A che 'l diaul lu puarti a fonz — al si tache a sberlà — e dâi la 'soluzion ancemò!! Ma za che 'l è fat 'l è fat: cun Diù sei!!

III

— Sior plevàn, no si veve cun ze fâ la polente e sói
lât tal ciamp di sior Nardin e ài fat fassinis.

— U, ze robonis, si dovi tornâ, sastu, tornâ!

— Ma zîmût fâsio a tornâ che no ài plui un stec?

— Ben tropis, âstu cioltis?

— No sai propri just, mi impensarai.

— Ben, par ogni fassine pree une avemarie.

Dopo di in che' di, chel puer sotàn al ti leve atòr a robâ
fassinis senze scrupul di cussienze; al ti preave une ave-
marie par ogni fassine e cussì 'l si la suiave.

Ma la plui bieles jé, che se 'l preave une avemarie di
plui, jù lui svelt ta braide dal plevàn par fâ pazze!

Cormóns.

Dolfo Zorzùt

Aur e arint

Bionde, cui rizzòs d' àur jù pal cerneli
e su lis spalìs blancis di vilût,
quan che si petenave donge il spieli
Nine 'e jere il ritrât de zoventût.

Pai clavei si tignive tant in bon!...

Ma cialansi in tai spieli (oh, ce passion!)

ste matine 'e à viodût, blanc e lusint,
jenfri chel aur, il prin ciavél d'arint.

4 dicembar 1921.

M. S.

La palanca

(Quadrùt tra une mari e un fi) (*)

— Mâri, e 'o i vevi 'na palanca mo'.

— Cui ci aveva data po', fi?

— Un priadi.

— Par ce fâ?

— Oh, na savisa? Par servî messa po'!

— Dulà la âtu po', fi?

— L'ài dada a von jo...

— A cui?

— A von!

— Ah, anima buzarona; si dàia a von las palancas?
'Eisal von ca ci spedogla, 'eisal von ca ci à fat, 'eisal von
ca ci dà da mangià, 'eisal von ca ci fâs las braghessas e
lu pectorâl?

Bepo Rupil

(*) Lengâz di Prât in Ciargne.

Amôur dal paëis

Do canaute picele e garbade,
simpâtiche, de età dai cinc ai seis,
un dì so mare 'a le aveva portade
a Venezia, lontane dal paëis.

Pòvare fantuline! I ziva a spas,
i sintiva a parlà, ma... i no capiva;
i ciaminava sempre cul cià bas,
avilide, e alle volte ància i vaiva!

La mare a ge diseva: — O Mariuta,
te compre, se tu tas, un zoc de seda! —
E liet: — Oh mare! Sasta la straduta
Che a ne mena lassù su la Pezzeda? —

Al pare a ge parlava: — Su via, Nana,
vuarda da no pensà, da no essi mata! —
E liet: — Oh pare! dime, quant tornàna
dal nostre lòuc, la via da la Valata? —

Zindo sul lièt, finida la zornada,
i sumiava infin alla matina:
« — Oh pare! Oh mare! saveva la strada
« chi a ne condùs in Barce e po' in Pentina? —

« Saveva la straduta in miez i clas,
« tra i noglars plens de nole, intòr Mighèt?
« Saveva ce bel ode al punt de Tas?
« Saveva ce bon bevi dal Busèt?

« Venezia a é biela, e forse ància a ne plàs,
« cu la so' glèsia e cun duz i musèi!
« Ma nos preferin Barce, cui siò clas:
« da c' a se nas al par dut quant pì miei! »

Barcis, 10 agosto 1924.

Giuseppe Malattia della Vallata



Passànt pal troi da muart....

Ài ciatàt fra i clas dal Fàiti
una giamba t' un stivàl.
Setu muart cun t' una Indea?
Setu muart pal Capitàl?

Ugo Pellis

MARCIÂZ GRANC' E PÌZZUI

di dut il Friul pal 1925

(cul numar dal abitànz par ogni Comune)



- Amàr* (ab. 1444) — S. Valantin, 14 di fev.: duc' i genars.
13 di dicembar: nemai e duc' i genars.
- Arte* (ab. 3622) — La Madone de Salùt, 21 di nov. e S. Lùzie,
- Ampiez* (ab. 2769) — Il 9 di set. (se jé fieste il dì dopo): ne-
mai e marcanziis.
- Aquilee* (ab. 2997) — Il lunis de setemane sante; — S. Ermàcore,
12 di lui; — il lunis prime di Nadàl: duc' i genars.
- Artigne* (ab. 4605) — Il II lunis di ognj mès: nemai e marcanziis.
- Atimis* (ab. 4326) — Il 30 di nov.: marcanziis e barachis.
- Ausze* (ab. 615) — La dom. dopo i 5 di avòst.
- Assàn* (ab. 10959) — Duc' i lunis: nemai, ciavai, mùs, marcanziis,
purciz, panine. Il 22 di nov. a Tiez: nemai e marcanziis.
- Bergogne* (ab. 1450) — La prime joibe di avril e di otubar.
- Bertiâl* (ab. 3849) — S. Martin, 10 e 11 di nov.: nemai, purciz,
polèz, pomis, marcanziis.
- Brugnere* (ab. 5758) — A Maròn, il lunis dopo la I domènie di
lui e di otubar: nemai, ciavai, etc.
- Buddè* (ab. 4374) — La I domènie di set.: pioris, ciavris etc.; duc'
i lunis marcanziis
- Buje* (ab. 11379) — S. Ermàcore, 12 e 13 di lui; — Il IV lu-
nis di ot.
Il IV lunis di ogni mès: nemai, ciavai e marcanziis; — duc'
i lunis: grans e marcanziis.
- Cernizze gurizzane* (ab. 1704) — Ai 15 di giugn (S. Vit).
- Cervignàn* (ab. 3450) — Il I lunis dopo S. Martin (11 di nov.).
— Dutis lis joibis: grans e marcanziis; ogni I joibe dal
mès ance nemai.
- Cianâl dal Lusins* (ab. 1679) — Ai 19 di marz; il lunis denànt
la fieste di S. Martin (novembar): marcanziis, impresc' di
den di ogni genar e purciz.
- Ciasarse* (ab. 6241) — Il II miarcus di ogni mès: nemai.
- Cias'cel di Rienbèrc* (ab. 2774) — S. Uldari, 5 di lui — dutis lis do-
menis dopo lis Quatri Timporis (il plui importànt in au-
tùn): impresc' par contadins e specialmentri par produtòrs
di vin, come solforatricis, botis, tinazzis, etc.
- Ciaurèt* (ab. 1200) — 13 di juin — 9 di set. — III dom. di nov.
- Cions* (ab. 5339) — A Vilute, il lunis dopo la II domènie di
otubar.

- Cividât* (ab. 11622) — 25 di lui; — 29 di setembar e 11 di novembar (S. Martin).
Lis joibis e lis sàbids: grans, pioris, purciz, marcanziis; — la II e l'ùltime sàbide di ogni mès: nemai; — ùltime sàbide ance ciavai.
- Clausêl* (ab. 3125) — S. Valantin, 14 di fev.; — la I domènie dopo la Sense; — la I domènie di lui e di otubar.
Dutis lis domenis e lis fiestis plui grandis: formadi, panine, marcanziis.
- Codroip* (ab. 7951) — S. Simòn, 27 e 28 di ot.: nemai, ciavai, mùs, e ogni genar.
Il I e il III martars di ogni mès: nemai, ciavai, mùs, pioris, purciz, polèz, cunins, pomis, marcanziis; i altris martars di ogni mès: grans, panine, marcanziis.
- Comelians* (ab. 1947) — Il prin dal an; — S. Nicolò, il 6 di decembar e l'ultin di otubar — S. Florean.
- Cordovât* (ab. 2699) — S. Josèf (19 di marz) e Madone di setembar (9 di set.); — S. Michél, 29 di set.: nemai, marcanziis, ec.
- Cormóns* (ab. 6438) — Il dì di S. Zuan (24 di giugn); — il lunis dopo la I domènie di set. (perdòn de Cinture). Miar, cus e vinars di ogni setemane: pomis, grans, marcanziis; — il I vinars di ogni mès; nemai, purciz, etc.
- Dael* (ab. 1713) — S. Carlo, 4 di nov.: duc' i genars.
La III sàbide di ogni mès: nemai.
- Dogne* (ab. 1542) — S. Laurinz, 10 di avòst: marcanziis.
- Duin* (ab. 620) — S. Zuan, 24 di giugn: ciavai.
- Enemónz* (ab. 2331) — Il I lunis di otubar.
- Feagne* (ab. 6507) — Il II martars e la IV joibe di ogni mès: nemai, purciz, etc.
- Flaibàn* (ab. 2239) — Viodi: S. Duri.
- Fors Avoltri* (ab. 1603) — Il 27 di ot.: nemai, ciavai, pioris, ciavris, etc.
- Fors di sore* (ab. 2145) — Il 21 di nov.: nemai, panine e marcanziis.
- Fors di sot* (ab. 1908) — La joibe dopo la III domènie di ot.
- Glemone* (ab. 12322) — S. Blàs, 3 di fev., e ai Sanz, 2 di nov.: nemai, etc.; — S. Antoni 13 di giugn: marcanziis. Il I vinars di ogni mès, e la IV sàbide di duc' i mès da nov. fin a marz: nemai, etc.; — dutis lis domenis: marcanziis.
- Gozze* (ab. 459) — S. Andree (30 di nov.): ogni genar di marcanziis.
- Gradis'ce sul Isùnz* (ab. 476) — S. Bastian, 20 di zen.: nemai, etc. Ogni martars e sàbide: pomis, semenziis, grans, foràgios; — ogni II martars e ogni ùltime sàbide dal mès: nemai, grans, panine, imprèsc' di contadin, etc.

- GURIZZE** (ab. 34000) — Marciât grant di S. Ilari par 3 dis, dal 16 di marz — di S. Bortul dal 24 di avòst par 6 dis — di s. Michèl dal lunis dopo il 29 di set. par 3 dis — di S. Andree dal lunis dopo il 30 novembar par 8 dis. — I marciâs granc' di S. Ilari e di S. Bortul a scomenzin 'te zornade dopo se il dì de fieste al cole di domènie. — La seconde e ùltime joibe di ogni mès (o il dì dopo se jè fieste): nemai e marcanziis.
- Latisane** (ab. 7249) — Il dì dopo S. Zuan (24 di giugn); — San Jacum, 25 di lui; — S. Bartolomio (25 di av.) — S. Matie, 21 di set.; — S. Martin 11 di nov.
Ogni miarcus: grans, panine, marcanziis; — il I e il III miarcus di ogni mès: nemai, ciavai, pioris, etc.
- Maian** (ab. 9402) — La IV sabide di ogni mès: nemai e ciavai.
- Manià** (ab. 6663) — Il lunis sant, marciât dal ulif; — il lunis plui tacât a S. Jacum (25 di lui) e a S. Maur (21 di nov.).
Ogni lunis: grans, purciz e marcanziis; — Il III lunis di ogni mès: nemai.
- Manzàn** (ab. 3983) — S. Pieri, 29 di giugn, marciât di zuiâtui a Rosazzis.
- Maràn** (ab. 1657) — Ogni di marciât dal pès; — ogni lunis: verduris, pomis, etc.
- Martignà** (ab. 5027) — L'ultin martars di ogni mès: nemai.
- Medùn** (ab. 4874) — Ogni domènie: panine, verduris, marcanziis.
- Medùn de L'avenze** (ab. 3055) — Il IV lunis di fev.; il IV vinars di ot.: nemai, purciz e marcanziis.
- Migee** (ab. 1200) — S. Antoni, 13 di giugn.
- Monfalcòn** (ab. 11862) — S. Antoni, 13 di giugn; — S. Nicolò, 6 di dec.: zuiâtui, bombóns, etc.
Ogni III miarcus dal mès: panine, marcanziis.
- Mondispin** (*Durimbèrc*) (ab. 2300) — Ai 15 di set. marciât grant.
- Mont'nere d'Idrie** (ab. 2013) — Ai 24 di avrìl; la dom. dopo il 13 di lui (S. Margarite); il lunis dopo la Madone di setembar; la dom. dopo S. Martin (11 di nov.).
- Morsàn dal Taiaimènt** (ab. 4661) — I lunis di marz, I lunis di setembar e 16 di avòst.
- Morteòn** (ab. 5504) — S. Pauli, 25 di zenàr.
Duc' i miarcus: polèz, verduris, marcanziis; — il II e ultin miarcus dal mès: nemai, ciavai, pioris, etc.
- Muez** (ab. 4711) — S. Josèf, 19 di marz; — Madone de Salùt, 21 di nov.
- Naurisine** (ab. 2230) — Il 5 di avrìl; — il 17 di set.: — il 27 di otubar.
- Nimis** (ab. 6251) — Madone di set., 8 di set.
Il II lunis di ogni mès: nemai, marcanziis.
- Osòf** (ab. 3419) — Il I lunis di lui; — l'ultin lunis di ot.
Il III lunis di ogni mès: marcanziis.

- Ovâr* (ab. 3753) — Il II lunis di ot., e S. Martin, 11 e 12 di nov.: nemai e marcanziis.
- Palme* (ab. 5246) — Il lunis denànt dal Redentór, in lui; — duc' i lunis di ot. fûr dal I (S. Justine); — il lunis denànt di Nadâl.
- Il II e IV lunis di ogni mès: nemai; — duc' i lunis e i vinars marciât di plazze (ance nemai).
- Paluzze* (ab. 4606) — Il IV lunis di marz, set, e nov.; — il IV martars di mai e di ot.; s. Jacun 25 di lui; — S. Ane, 26 di lui; — la I domènie di set.: sagre di plazze.
- Pasian di Pordenòn* (ab. 9382) — A Riverote il IV lunis di set. A Cechins il II martars di mai — A Pasian il II martars di fevr.
- Basilian* (ab. 6552) — Il 30 di nov.: marciât di S. Andree.
- Il III lunis di ogni mès.
- Paulâr* (ab. 3677) — S. Vit, 15 di giugn.
- Pavie in Percût* (ab. 5520) — La vilie di S. Josèf, 18 di marz.
- Il I miarcus e III vinars di ogni mès.
- Plez* (ab. 2329) — Ai 19 di marz e ai 29 di set.
- Polcenigo* (ab. 6747) — La I domènie di set.: marciât di zeis.
- Pontebe* (ab. 3826) — S. Josèf, 19 di marz; — Madone di set., 8, 9, 10 di set.: nemai, mercanziis, fiaramente, impresc' di cusine.
- Pordenòn* (ab. 20119) — Dutis lis sàbidis: nemai, purciz, panine, marcanziis.
- Postùmie* (ab. 4650) — Il 24 di avòst; — il 18 di ot.; — il 3 di decembar.
- Ogni prin di mès.
- Prate di Pordenòn* (ab. 5523) — L'ultin martars di fev. e il II. martars di ot.
- Pravisdòmini* (ab. 3267) — Il IV lunis di fev.: penutin vinars di set.
- Puzzui* (ab. 5876) — S. Andree, 30 di nov.
- Il III miarcus di ogni mès: nemai.
- Quishe* (ab. 7000) — S. Zorz, 24 di avril; — S. Luche, 18 di ot.
- Racole* (ab. 1569) — S. Pieri e S. Pauli.
- Ranzian* (ab. 2522) — Il prin lunis di set.: nemai e marcanziis.
- Ravasclèt* (ab. 1797) — Marciât di S. Spirit, il lunis dopo lis Pentecuestis.
- Résie* (ab. 3698) — Prin di mai; — Madone d'avòst: ciavris, pioris, marcanziis; — ultime domènie di ot.
- Resiute* (ab. 1015) — S. Martin, 11 e 12 di nov.: marciât di plazze.
- Rivignàn* (ab. 5014) — Ai Sanz, 2 o 3 di nov.
- Duc' i lunis e lis joibis: polèz, blave, mercanziis; — il III lunis dal mès ance nemai.

- Romàns dal Lusinz* (ab. 2209) — S. Bete, 19 di nov.: nemai; — il IV martars di ogni mès: nemai. Se colin di fieste, si fasin la zornade dopo.
- Sacil* (ab. 9867) — S. Laurinz, 10 di avòst: marciàt di ucei e di argains par oselà.
Ogni joibe: nemai, grans, marcanziis.
- Sauris* (ab. 839): S. Sualt, 5 di avòst.
- Sclûse* (ab. 1545) — S. Valantin, 14 di fevr.: nemai, marcanziis; S. Bartolomio, 24 di av.: marcanziis; — S. Michêl, 29 di set.: nemai, formadi, marcanziis.
- S. Crôs di Aidùssine* (ab. 2200) — 5 di fevr.; — Il lunis dopo il Corpus Dòmini; — il 14 di set., il 2 di avòst, il 5 di nov. e il 25, 26 e 27 di decembar: in duc' marcanziis in sorte.
- S. Denél* (ab. 8012) — Il vinars sant.
Il III miarcus di ogni mès: nemai; — duc' i miarcus; grans, panine, marcanziis.
- S. Durì-Flaibàn* (ab. 2239) — A Flaibàn, la II joibe di ogni mès: nemai.
- S. Martin di Quische* (ab. 4346) — Ai 18 di otub. (S. Luche) e ai 24 di avril (S. Zorz).
- S. Pieri al Nadisòn* (ab. 3544) — Il 29 di giugn, S. Pieri.
- S. Pieri sul Isinz* (ab. 1603) — S. Pieri, 29 di giugn: impres'c di contadin, panine, marcanziis, zuiàtui, etc.
- Sante Lùzie di Tulmin* (ab. 3800) — S. Valantin, 14 di frev., il prin lunis dopo Pasche e dopo lis Pentecuestis; — la domènie dopo di S. Jacum (25 di lui); — la domènie dopo di S. Simòn (28 di ot.); — S. Lùzie, 13 di dec.: in duc' panine, imprès'c di contadin, marcanziis.
- S. Vit al Talamènt* (ab. 12513) — S. Nicolò, 6 dicemb.; — S. Antoni, 13 di giugn.
Duc' i vinars: panine, marcanziis, etc.; — il I e III vinars di ogni mès: nemai e purziz.
- S. Vit di Vipau* (ab. 1500) — Ai 14 di marz, 15 di giugn e 22 di novemb.: nemai, grans e ogni genar di marcanziis.
- S. Zorz de Richinvelde* (ab. 5681) — Il I miarcus dal mès: nemai.
- S. Zorz di Noiâr* (ab. 6329) — Il 4 di ot.: nemai.
Ogni domènie: scarpis, marcanziis, verduris, etc.; — ogni lunis: gran; — il I lunis dal mès: nemai.
- S. Zuan di Manzàn* (ab. 3190) — La I sàbide di ogni mès: nemai e purcis.
- Sest al Règhine* (ab. 7184) — Il II lunis di marz; — 13 di set.; — il IV lunis di otubar: in duc', nemai.
- Soclêf* (ab. 2701) — S. Marc, 25 di avril; — l'ùltime sàbide di otubar.
- Spilimbèrc* (ab. 10052) — S. Ròc, 16 di avòst; — e Madone dal Rosari.
Ogni sàbide: marcanziis; — ogni lunis di marz, avril e

- mai: marciât grant; — il I lunis e il III lunis di ogni mès, mancùl i mès di marz, avrìl e mai: marciât grant.
- Talmassóns* (ab. 5023) — Il lunis dopo la III domènie di novembar: nemai, purciz, polèz, marcanziis, a Flambri.
- Tarcin*: (ab. 6855) — S. Pieri, 29 di giugn; — il vinars sant; — S.S. Rosari.
- Ogni lunis, miarcus, vinars e domènie: marcanziis, pomis, etc.; — Il III lunis di ogni mès: nemai.
- Tarvis* (ab. 4003) — La I sàbile di avrìl e la I sàbide di otubar.
- Travès* (ab. 2438) — S. Pieri, 29 di giugn; — I domènie di ot.: Dutis lis joibis: grans.
- Tresesin* (ab. 6271) — Marciât dai ucei in setembar.
- Il I lunis e III martars dal mès: nemai, ciavai, purciz, pioris, etc.
- Tumiez* (ab. 7259) — Il lunis dopo i Sanz e il I lunis di marz: nemai e ogni genar.
- Ogni lunis: nemai.
- Tulmin* (ab. 1000) — La domènie dopo il Corpus Dòmini.
- Turiac* (ab. 1608) Il 8 e 9 di dec.: marcanziis.
- Il I lunis di ogni mès: nemai, purciz, grans, marcanziis.
- UDIN* (popolazion efetive abitànz 56039) — S. Antoni, 17 e 18 di zen.; — S. Valantin, 14 e 15 di fev.; — S. Zorz, 23 e 24 di avrìl; — S. Laurinz, 10 e 11 di avòst; — il III vinars di set.; — S. Catarine, 25, 26, 27 di nov. Duc' e' son marciâz di nemai; ma a S. Zorz ance gran marciât di ciavai; e il III vinars di setembar marciât e concòrs di taur.
- Ogni martars, joibe e sabide: grans; — la I e la III joibe e vinars di ogni mès: nemai e ciavai; — ogni joibe: purciz, pioris, etc.
- Valvasòn* (ab. 3102) — Il IV lunis di ogni mès: nemai, purciz, marcanziis. — S. Pieri: 29 di juin.
- Vensòn* (ab. 4544) — S. Andree, 30 di nov.; — S. Lùzie, 13 dic.
- Verpojan* (ab. 950) — Ai 22 di zen., 24 di avr., 9 di juin e ai 29 di set.: nemai e marcanziis.
- Vile Santine* (ab. 1793) — Il II lunis di avrìl; il lunis dopo la III domènie di ot.: nemai, purciz e ogni genar.
- Vipau* (ab. 1428) — Ai 20 di ogni mès: ciavai, nemai, purciz, marcanziis.
- L'ultin lunis di carnavâl, il martars dopo Pasche, il lunis dopo la Madone di Avòst e la fieste dai ss. Simòn e Giude (28 di otub.): ogni genar di marcanziis.
- Vit d'Asi* (ab. 3975) — A Ciasiât, il IV lunis di marz, avrìl, et. e nov.: nemai e ogni genar.
-

IL SORELI E LA LUNE

A Nino Sormani

'O dovevi crompá un centenâr di stangis di ciastenâr par mètilis te vigne e une buine dozene di fassinis par raclá, cheste viarte, i fasui e i cesaróns; e inalore une domènie da l'unviâr passât, dopo misdì, 'o tachi la ciavale e in companie di Gisuè 'o fâs une s'ciampade a Cergneu, parsore Nimis.

Là di Vigi Sturne 'o crompi lis stangis e i raclis e po 'o voi là di Bepo di Sese a cioli un fregul di aghe di vite di susîns.

— Un sclip di sgnape tal café, Arturo, al jude a parâ jù... e po guai un mal di gnot!... — Bisugnave pur contentâ la me pûare vece!

Sior Bepo al emple doi flases di sligovis e po sî lafê c'al à volût che si sentîn a mangiâ la fertae e bevi une gotute di ramandul di Torlân.

— Ramandul sinsêr, baliât cui pîs, siorût!

Al jere di vene in ché di sior Bepo e fra une tazze e ché altre al scomenze a contâ flabis c'al jere un plasé a sintîlu.

— Cognòssial lui la resón parcè che il soreli no si jè maridât? No? 'E jé vece come il cuc!... Duncè une bieles zornade lis stelis dal firmamènt si son inacuartis che il soreli, a fuarze di dai e dai, al jere diventât vècio ance lui e in presse e' tegnin un gran consei:

— Bisugne dà une buine companie! — 'e dîs la stele plui autoritarie — A stâ simpri bessòl al po' ance stufâsi a fá lusôr, e se 'l si stufe ce dal diambar puèdial capitâ?

— La fin dal mont po, ànimis!

— Maridinlu cu la lune!... No à masse fotis, 'e jè cuiete e mi pararés che ance il soreli al dovarés jessi content! E dutis insieme ti van là dal soreli e i disin:

— E' son miârs e miârs di âins che tu sês cà a s'cialdà la tiare e no tu às mai pensât a meti sù famee in maniere che quan che tu murirâs chest servizi al podarà fâlu un dai tiei fîs: il plui grant e plui biel; cussì no tu puedis lá indenànt. Ce spèristu mai de to vite? Par cui lavòristu? E se no tu fasis plui lusôr tu sâs c'al devente un rebaltón par duciuquane'!... Ànimo!... Une buine femenute, senza pretesis e tu sarâs content fin che mont al dure mont.

— No sói masse puartât pal matrimoni, jo!

— Ce puartât e no puartât! Quan che tu às finide a zornade cumò indulà vastu? A durmì! Ise vere?

— No dîs, no dîs; anîn indenânt!...

— Dopo invessi tu larâs a ciase, tu ciatarâs la to fêmine, tu starâs cuîet, tu sarâs ance un fregul plui smondeât, par-
ceche, lasse mai che t'al disi, cumò tu sês simpri plen di
maglis, tu polsarâs e tu larâs tal jet a durmî... ma in com-
panie; e erodimi ('o sói navigade, jo) in doi si duâr une
vorone miôr che di bessoi....

— 'E jê vere ance cheste, se jê vere!... e cui sarèssie
la fêmine, sintîn mai...

— La lune, po!

Il soreli c'al scomenzave a molá, a sinti fevelá de lune
al va in bèstie e al tache a blestemá pies di un furlàn de
Basse, pôc timorât di Diu.

— Câlmiti, câlmiti! 'O sîn cà par rasoná, pardie!

— Ma ce calmâsi! Va ben c'o sói vècio, ma no stait
mingo a crodi c'o sedi tant balonîr! Ma viodeit voaltris!
'O ài di cioli la lune, che va simpri atòr di gnot, che jè
plene ogni mês, e ogni mês e fâs i cuars? Urce, lait fur
daî pîs, faseimi il plasé, no ài bisugne di disgrazis, jo!

E lis stelîs, quacis quacis se la son mocade.

Al è masse tart e lis ombris de sere e' scomenzin a
vignî jù. 'O voltîn la carete, e vie a ciase.

A sintí ches altris flabis 'o tornarai un'altre volte.

Arturo Feruglio

La timpiesta

A sior Nastâs Carb di Slest

Altri altri suspîr, altri travai
e altris cu d'amôr
chestis son passiôns, signôr Nastâs!
Joiba di seris, l'ultim dì di mâi,
ouè! cu di dolôr
jo ven flapûz si cu di bruma i râs,
e d'altri no mi pàs
cu di cialâ la foropada viesta
del miò rone mazzucât da la timpiesta!
Formènt, siala, sorc e manarola
e la fava e la lint
duquant à pistignât chesta granzola
e chel supiarbi vînt
à zupât d'ogni ciossa 'l bon umôr,
dut è senza colôr,
e sì cu jara dut vert e molèc,
dut è smurtît e flap e quasi sec...

Zambatiste Donât, di Puart Gruâr, 1576

Brindis

'Tor de taule in companie
si sta ben sintâz, amîs.
'Ne ciantose in alegrie
jé 'l confuart dei nestrîs dîs.

Vive 'l vin te tazze plene
bon, sincîr, e genuîn.
c'al si spant par ogni vene
e al nus jemple di murbîn.

Sei bandide la peraule
che fevele di passions.
Nol è puest intôr de taule
che par fotis e cianzóns.

Vive 'l vin.... ecc.

Sin alegris fin che dure
e contènz fin che si po'.
Cui c'al à la muse dure.
nol partèn intra di nô.

Vive 'l vin.... ecc.

Lassin pûr che i vîs e' passin
tra misèriis e tormènz.
Baste nome che nus lassin
biel in pâs in chesc' momènz.

Vive 'l vin.... ecc.

Il furlàn di buine razze
nol refude un got di vin.
Dunce, amîs, jemplin la tazze
e bevîn, bevîn, bevîn.

Vive 'l vin.... ecc.

Giov. Lorenzòn

Vilofis

Sanc che no 'l fala....

Al soreli al distempera
li ruzzeis daûr dal cûl.
Nô sin sans e plens di voia,
sin la fuarza dal Friûl.

Tal ciamp da vita....

Ugnidûn tal ciamp al ara
e 'l samena 'l so formènt.
Ugnidûn ta vita al ara
e 'l sesola 'l so tormènt.

Ugo Pellis

SAGRIS DI DUT IL FRIUL

(Cun fleste di bal: **b**; tòmbule: **t**; cucagne: **c**; altris divertimènz: **d**)

ZENÀR

1. *Circoncision dal Signòr* — Cose (San Zorz de Richinvelde) (b)
— Merèt di Tombe — S. Zorz di Résie — Internèp.
6. *Pifanie* — Cividât: in Domo Messe dal Spadòn.
9. *s. Fortun.* — *s. Marcellin* — Sbroievace (Cions) (b).
11. *II Dom.* — *S. Gino p.* — Cuel III Armade (Sdraussine) —
Uirc: il Non di Jesù — Dole — Vacil (Spilimbèrc). Ma-
done dal Rosari.
14. *b. Duri* — *S. Ilari* — Reane (b).
17. *s. Antoni* — Gnespolèt — Mieze Mont (Polcenigo) (b) — Sa-
mardence (Cisèriis) — Vilès — Basandiele — Foràn (Atimis)
— Barbean (Spilimbèrc) — Gradis'ce (Spilimbèrc) — Teor.
18. *III domènie* — Dignàn — Gradis'ce sul Lusinz — Rigulât
— Tremònz di miez — Porcie — Siele di Caurèt (b).
20. *S. Bastian* — Dignàn dal Tajamènt.
21. *s. Agnese* — Ioanniz — Trep (Paluzze).
24. *s. Eugenio* — Tumiez.
25. *IV dom.* — *s. Pauli* — Pasian di Pordenòn (b) — Stregne —
Racolane — Morteàn — Lavarian (Morteàn) — Tesis —
Rorai.

FEVRÀR

2. *Purificazion di M. V.* — Platis'cis (Montaviarte) — Raspàn —
Cividât: sagre in borc di Puint — a Viscòn pan, vin e fave
di bant, ae popolazion — Mont Urabis.
3. *s. Blàs* — Lauzzàne — Lestizze — Istrago (Spilimbèrc) — Mer-
lane (Trivignàn) — Sudri — Giais (Avian) — Pozzalis —
Pieris — Scodevace — Alturis (Pertèulis) — Cividât: sagre
in borc di Brossane.
Ciazzàs (Tulmiez) — Mediis (Socléf) — Maseris — Cividât
— Tiarz.
5. *s. Aghite* — Lauzzà.
8. *II domènie* — S. Quirin di Avian — Lusèvere.
9. *Polònie* — Liuzzùl — Ciassà — Zuviet (Ravasclèt) — Bar-
bean (Spilimbèrc).

14. *s. Valantin* — Damâr — Artigne — Somplât (b) — Ciarpà (Dignàn) — Medùn — Ciadugnee (Tulmiez) — Lauzzàne — Basepente — Cercivint — Grimàns — San Maur (Podigoris) — Sante Lùzie (Tulmin) — Segnà — Avasinis (Trasaghis) — Zòpule — Zui — Barazzèt (Coseàn) — Schluse (b) — Lauc (b) — Farle (b) — Ciasielis (Morteàn) — Pozzalis (Feagne) — Domanins (b) — Val e Rualp (Arte) — Fraforean — Ciassà — Manzàn — Glemone — Conoglàn (Ciassà) — Morsàn dal Taiamènt — Ciavàz di Ciargne (b) — Cianvenzàn (Ciampùn) — Cividât: sagre in bore s. Domeni — Zuviet (Ravasclèt) — Udin: sagre in bore di Praclùs — Madone (Buje).
17. *III domènie* — Grupignàn (Cividât): sagre di S. Polònie.
22. *Ultime dom. di Carnevâl* — Crede (b) — Montaviarte — S. Quirin (Avian) — Lusèvere — Mascarade di Remanzàs.
23. *Ultin di Carnevâl* — Frisànc — Mascarade di Orsàrie — Rivignàn — Cercivint: sagre di S. Margarite.
24. *I dì di Crésime* — Morùz — Cuel III Armade (Sdraussine). Vât (Udin) — Slape Zorzi (Vipau).
27. *s. Margarite* — Benedizion dai nemai a Tapoian.

MARZ

8. *II Domènie* — Quiniis (Enemónz).
15. *III domènie* — ss. Ilari e Tazian — Gurizze — Vissandòn: sagre di S. Valantin.
19. *s. Jusèf* — Montegnà — Pradielis — Taipane — Porcie — Caprive — Percût — Palse di Porcie — Blessàn — Ciampròs di Valcianâl — Camigne — Flaibàn — Spesse: sagre sui roncs.
22. *IV domènie* — San Zorz di Nojar — Sagre de fave a Blessàn — benedizion dal pan e des ciandelis a Cuel III Armade (Sdraussine) — Ciaurià — Perdòn dal folc a Gradis'ce di Sedeàn.
24. *s. Matio* — Taipane — Slape Zorzi (Vipau).

AVRIL

12. *Pasche* — Pieris — Glemone — Udin (lotarie) — Casteòns di Strade — Dolegne — Moimàns — Raussèt — Roncis di Monfalcòn — Strassòlt — Morâr (b) — Poulèt — Migeè: fieste sul cucl.
13. *II fieste di Pasche* — Udin (Sante Catarine) (b) — Pavie di Udin — Sante Marie la Lunge (b) — Tarcete — Gravate (Magnàn) — Cuelalt (Segnà) (b) — Viscòn — Mosse —

- Pignàn di Ruvigne — Ciopris — Cormóns — Cividât — Valnoncèl — S. Leonàrt (Ciamplunc) — S. Quirin (Cormóns): fieste in culine cun mùsichis, corsis e a. d. — S. Lenàrt — Rualis: sagre dal Càrmini (ance tal domàn).
14. *III fieste di Pasche* — S. Quirin (Cormóns) (b) — Puzzui — Mosse — Strassòlt.
14. *Comem. dal Càrmini* — Ribis — Bicinins di sòt.
19. *Otave di Pasche* — Cumierz (Majàn) (b) — Percùt — Taipoian (b. t.) — Ciampeis di Sofumbèrc (Faedis) — Colze (Enemònz) — Lucinins — Cuel III. A. (Sdràussine) — Ciasteòns des Muris (Bagnàrie) — Tulmin — Suian (Puzzui) — Moimàns (b) — Pertèulis (Tiarz di Aquilee): sagre de Madone — Butinins (b) — Fane (gran fieste al Santuari de Madone di Strade) — Sagre dai sparcs a Savorgnàn de Tor — Isule Morosine — Scodavace — Cividât: il Ciapitul al va a Madone di Mont — Internèp: sagre de Cintùrie.
32. *s. Zorz* — Cions (b) — Preon.
24. *s. Fedèl* — Claut — S. Zorz di Rèsie — S. Zorz de Richinvelde.
25. *s. Marc* — Raspàn (Ciassà) — Scodovace — Vile di Var — Bielvedè — San Marc — Gai di Spilimbèrc — sagre dai sparcs a Trep Grant — Cucane — Jutiz (Codroip) — Pordenòn — Basilian (Pasian Sclavonèsc): sagre sui pràz — Ruvignàns (Cividât) — Stevenà di Ciàrive.
26. *Ultime dom.* — Brazzàn (I dom. dopo S. Zorz) (b) — Cal di Cianâl — Savorgnàn de Tòr: sagre des jarbucis — Martignà — Moimàns — Udin: sagre dai crotàrs in borc di Grizzàn.
30. *s. Catarine di Siene* — Cuel III Armade (Sdràussine).

MAI

1. *ss. Filìp e Jacum* — Rèsie — Pèsariis — Taipane.
3. *I dom.* — *Invenzion de S. Cròs* — *ss. Gotàrt e Florian* — Stele (Ciseris) — Manzàn — Sigilèt (Fors Avoltri) — Diez (Tulmiez) — Pidemònt dal Calvari — San Florean (Gurizze) — Raviei — Sagre dai « blaudins » a Vilès — Roncis (Gurizze) — Rude — Cervignàn: sagre di S. Jeroni (b) — Basèlie (Spilimbèrc) — Vilote (Cions) (b) — Ontagnàn — Gonàrs — Romàns (sagre dai pastòrs clamade ance: «Sagre di mai» (b) — Flumignàn — S. Gotàrt (Udin) — Culugne — Pantianins — Grimàns — Scodovace (b) — Marian — Tulmiez — Sagre dai sparcs a Felèt — Pieris — Rèsie — Vilegnove (Lusèvare) — Gian (Cividât) — Sable Grande (Vipau): s. Florean — Internèp: sagre de glèsie.
5. *s. Pio V.* — Ciavazgnùf — Cercivint: S. Gotàrt.
10. *II domènie* — Bagnàrie — Vernàs (San Pieri al Nadisòn) (b)

- Paparian (Aquilee) — Visinâl (b) — Joannis (b) — Mûscui — S. Zôrz de Richinvelde: sagre dai sparcs.
16. *Sant'Ubaldo* — S. Fanût — Navaróns.
17. *III domènie* — S. Salvadór (Maiàn) (b) — Fare — Glemone (Ospedalèt) — Medùn di Livenze — Cimolais — Ciamplunc de Tòr — Jassic (Brazzàn).
21. *La Sense* — S. Valènt — S. Canzian — Romàns — Zui — Vile Santine — S. Zorz di Rèsie — Ravasclèt — Cividât: la paròchie di borc di Puint 'e va a Madone di Mont.
24. *IV domènie* — Clauzèt (sagre dai spirtâz) — Oseàc (Rèsie) — Precenins — Ciamplungùt (Bagnàrie) — Tarnove dal Luzinz.
31. *Pentecuestis* — Zevean (Bagnàrie) — Vileraspe (Staranzàn) (t) — Oltris (Ampiez) — Platis'cis (Montaviarte) — Monfalcòn — Vile Visintine — S. Laurinz di Mosse (b) — Mainuzze (Fare dal Lusinz) — Planine (Vipau): sagre di S. Canzian — S. Martin di Quische: s. Crôs — Lauc: tre dis di fieste pal perdòn des 40 oris — Gradis'ciute (Ranzian), ance tal domàn — Postùmie: fieste tes grotis.

JUIN

1. *II fieste des Pentecuestis* — Pradizzûl (Muscli) — Gradis'ciute (Ranzian).
6. *beât Beltrâm* — S. Nicolò (Rude).
7. *I. domènie* — S.S. Trinitât — Batae (Feagne) — Brazzàn — Cormóns — Grimâns (b) — Lauc — Roncis di Monfalcòn — S. Martin di Tiarz — Risàn.
10. *s. Margarite* — Montnere d'Idrie: sagre di s. Jodòc.
11. *Corpus Dòmini* — S. Crôs di Aidussine — Salsân — Maràn — Paulâr — Tulmin — A Udin, a Gurizze e, pôc o trop, in dutis lis parochis: procession del Corpus Dòmini.
13. *s. Antoni* — Pordenòn — Bordàn — Ciastielgnûf — Frisànc (b) — Glemone — Sudri — Mìgee (b) — Vile Santine — Palazzûl — Reane — Trep di Paluzze — Ciamplunc: benedizion dai nemai — Visinâl del Judri — Ucè di Rèsie — Pitlunc — Madris di Feagne — Medùn — Ciasotis (Pavie) — Zuvuel (Ravasclèt) — Implàn (Arte) — Manzan — Ciaurèt (b. d.) — Forgiàrie — Poz (S. Zorz de Richinvelde) — Stele (Ciseriis) — Planine (Vipau) — Davai (Lauc) (b) — Savorgnàn de Tòr.
14. *II Domènie* — Mìgee (b) — Zevean (Bagnàrie).
15. *s.s. Felis e Fort.* — Tarnove dal Luzinz.
19. *s.s. Gervâs e Protâs* — Savalòns.
21. *III domènie* — S. Luigi — Caprive — S. Antoni di Aquilee — San Vit dal Taiamènt (b. t.) — Mìgee (b) — Porcie — Darte

- Pieris — Manzàn — Alès — Vile Visintine — Privàn (Bagnàrie) — Tresesin — Blessàn — *Udin*: S. Antoni al Càrmini — Dobre (Biliane) — Bilie — Cernizze Gurizzane — S. Vit (Vipau) — Beivàrs (*Udin*) — Oblizze (Stregne) — Arbe (b) — Cornin (Forgiàrie) — Trave (Lauc) — *Udin*: procession di s. Luis in boro di Glemone.
24. s. *Zuan* — Sebrèie — Porpèt — S. Zuan dal Templi (Sacil) — S. Zuan di Ciasarse — Platis'cis.
25. s. *Gulielmo* — Dael.
26. s. *Zuan e Pauli* — Sagre dai scussòns a S. Pieri dal Luzinz — S. Zuan di Polcenigo — Lovàrie.
28. *IV domènie* — Barcis (b. t.) — Ciassà — Cormóns: sagre di S. Zuan — Duin — Latisane — Musi (Lusèvare) — Porpèt — San Zuan di Manzàn — Tarcete — Vivàr — Ciasarse — S. Zuan (Polcenigo) (b) — S. Zuan (Prate di Pordenòn): sagre des ciariesis e dai èmui (giostre, corsis, b. c. d.) — Vivàr: sagre di s. Zuan — Platis'cis — Prepòt — Quische — Sagràt (fieste de redenzion) — Stregne — Tulmin — Frassinèt (Fors Avoltri) — Soclèf — Riz di *Udin* — Ciampei di Sofumbèrc (Faedis) — Coline (Fors Avoltri) — Butinins (Moimàns) — Moràr — Polcenigo — Lovàrie — Frate — S. Vit di Feagne — Prestint — Dael (b. t.) Darte — Ciasarse — Volzane — Pocenie.
29. ss. *Pieri e Pauli* — Bicinins — Cordenòns (b. d.) — Maian (b) S. Pieri al Nadisòn (b. t.) — S. Pieri dal Lusinz — Tarcint (b. t.) — Travès — Valvasòn (d) — Visc — Dolegnàn (b) — Dobràulis (S. Cròs di Aidùssine) — Culugne — *Gurizze* — Romàns di Var (sagre dai giambars) — Magredis — Racolane — Ciavazgnùf — Ruvinne — Giavòns — Staranzàn — Verzegnis — Fusee (Tulmiez) — Ampiez (d) — Ciamp-lunc — Rosazzis (Manzàn) — Zupice (Codroip) — Tiarz di Aquilee (b) — Vile Santinc — Zuvièl (Ravasclèt): sagre des cidulis (b) — Gnive di Rèsie — Gabrovizze — Vilegnove (Fare dal Lusinz) — Sacilèt (Pertèulis) — Gargàr — Malisane.

LUI

2. *Visitazion di M. V.* — Liuzzùl.
4. s. *Uldari* — Cussignà (*Udin*) — Gozze (Vipau) — Cias'cèl di Rienbèrc — Plez — Vilegnove (Valnoncèl).
5. *I. domènie* — Maròn di Brugnere (b. d.) — Sudri — Caprive — S. Valantin di Aquilee (b. t.) — Ciopris — Grau (prucission a Barbane) — Lusèvare — Muzzane (b) — Osòf (b) — Romàns (b. t.) — Cussignà (*Udin*) — Salt — Frate — S. Zorz de Richinvelde: sagre sui prâz — Sudri — Prate di Pordenòn

- S. Duri di Sacil — Ciopris: sagre dai èmui (b. d.) — Osseche (Vitùie): S. Pieri — Flambrüz (Rivignàn).
7. *s.s. Cirilo e Metodi* — Scirile.
12. *II domènie* — *s.s. Ermacore e Fort.* — S. Stiefin (Buie) — Iplis (b) — Darte — Soles'cian — Precenins — Savogne (b) — Trep di Paluzze — *Udin* — Aquilee — Morsàn — Enemònz — Roverèt di Var: sagre dai èmui — S. Florian — Corone (Marian) — Cesàriis — Oseàc di Résie — Ravasclèt: sagre des cidulis (b) — Viscòn (Ciopris): sagre dai dromedaris (b. t.) — Dignàn — Palme — Sacil: S. Liberàl (d) — Rusclèt (Comelians) — Lucinins — Vissandòn (sagre dai èmui) — Poulèt — Savorgnàn de Tòr — Sagràt — Vile Visintine — Fors Avoltri — Sorzint (S. Pieri al Nadisòn) (b) — S. Zorz di Résie — Dedeà — Azzàn di Iplis — Prate di Pordenòn (corsis, b. d.) — Iplis (b) — Buie — Raspàn — Viscòn (Ciopris) — Dignàn — Ranzian (ance la domènie dopo) — Prossenic (Platis'cis).
13. *Dedicaa. de Basiliche di Aquil.* — S. Stiefin (Buje).
16. *B. V dal Càrmini* — Blaüz (Codroip) — Cordovàt — Ravasclèt — Vendoi — Bicinins di sot.
19. *III domènie* — *Redentòr* — Visinàl di Pordenòn — Tapiroian (b) — Flauigne — Palse di Porcie — Sezze (Zui) — Basandiele (b) — Cervignàn (b. t.) — Felèt — Grimàns — Varian — a Remanzàs sagre dai giambars (b) — Polcenigo (b) — Sagràt — Rivis d'Arcian (merinde dai giambars) — Arzene (b. d.) — Visinàl di Pordenòn — S. Laurinz di Sedeàn — Tramònz di sore — *Udin*: sagre al Redentòr — Dolegne (Planine): sagre di s. Margarite — Buje — Ciasarse — Beàn — Moràr — Masaruelis — Driulazze — *Udin*: procession al Càrmini — Ranzian: sagre dai sanz Ermàcore e Fortun. — Alès (Trasaghis).
21. *s. Prassede* — Ruede — Montdispin: S. Denèl.
22. *s. Marie Madalene* — Zòpule (te domènie dopo) — Dole.
25. *s. Jacum* — Visinàl — Ciassà — Maràn — Morùz — Carnizze (Résie) — Paluzze — Polcenigo — Slape Zorzi — Dol Grant — Valbrune — Dael — Vacil (Spilimbèrc).
26. *Ultime domènie* — *S. Ane* — Morùz — Piume — Vile Santine (b) — Subit (Atimis) — Paluzze — Ciampivùl (Ravasclèt): sagre des cidulis (b) — Vile Santine (b) — Gewi (Paulàr) — Formeàs (Zui) — Prossenic — Susàns (Maiàn) — Spilimbèrc (b. divertimèns) — Manzignèl — Rivòlt — Medùn dal Livenze — Montenàrs — Moràr — Jalmi — Dael (b) — Faedis — Craul — Sante Lùzie di Tulmin — Cuar di Rosazzis (sagre dal gial) (b) — Ciavàz — Flum — S. Jacum di Ruvigne — Ariis — Rivòlt — Savorgàn (S. Vit al Taiamènt) — Brugnere — Pesàriis — Toreàn di Ci-

- vidât — S. Martin dal Taiamènt (b. t.) — Felèt: Madone dal Càrmini — Ciamplungùt (Bagnàrie) — Praturlòn (Flum) — Rigulât — *Udin*: Perdòn de Cintùrie al Redentòr — Tamai (Brugnere): sagre di s. Ane — Platis'cis.
31. *s. Ignazi* — Tiarz (Aquilee): benedizion dai nemai.

AVÒST

1. *S. Pieri in V.* — Pertèulis — Frisànc.
2. *I domèn'e* — *S. Alfonso de L.* — Sagre dai polèz a Trep Grant — S. Laurinz (Manzàn) — Resiute — S. Cròs di Aidùssine — Gradis'ce di Sedean — Sauris — Clèulis — Colorèt di Mont Albàn — Buri (sagre dai polèz) — Lavarian — Pagnà — Rodeàn bàs e alt — Ariis — Castoe — Visc — Belgrât (Vile di Var): perdòn di s. Francesc' — Belian — Toian — Ovâr — Brazzàn (b) — Pertèulis.
- 5 *Madone de Nêf* — Aùzze: s. Sualt.
8. *s. Ciriaco* — *Gurizze* (fieste de redenzion).
9. *II domèn'e* — *Gurizze* — Coseanùt (Cosean) — Dogne — Forgiàrie — Cuel S. Valantin — Vile Santine — Roncis di Monfalcòn — Maiàs (Enemónz) — Fors Avoltri — Palazzùl — Riu (Paluzze) — Sauris di Sore — Iplis — Aurave (S. Zorz di Spilimbèrc) — Stulvizze (Rèsie) — Flaibàn — Pradamàn (b) — Roncis di Monfalcòn — Noiarèt di S. Vit — Ciavolàn (Sacil) — Vilès — Palazzùl (b) — Fors di sòt — Plasencis — Rorai Gra t — Preòn — Vernassin (S. Pieri al Nadisòn) (b) — Lungis — Ersèl in Mont — Grions.
10. *s. Laurinz* — S. Laurinz ('Arzene) — S. Laurinz di Sedean — S. Laurinz di Mosse (b) — S. Laurinz di Aquilee — S. Laurinz (Manzàn) — Sacil: marciât e sagre dai ucci (fûcs, mùsichis, b., d.) — Fors Avoltri — Vacil (Spilimbèrc).
11. *s. Radegonde* — Sagre a Madris (bale la pantiane, 'a sune la suris).
15. *Assunzion di M. V.* — Pontebe — Budoe — Cercivint — Cimolais — Ciaurà — Vilegnove (Lusèvere) — Monreàl Celine (b. c. d.) — Basepente — Pinzàn (b) — Vertuin — Cianâl dal Isùnz — Medane — Cisterne (Coseàn) — Drence — Porcie — Reane — Rèsie — Sest al Règhine (b) — *Udin* (Madone di Gràzie) — Taurian (Spilimbèrc) — Cicunins — Fors di sore — Migee — Romàns — Silvele — Tramónz di sòt — Vile Santine (b) — Vivâr — Viscòn — Cisèriis — Prate di Pordenòn: sagre de glèsie — Platis'cis — Ovâr — Barbane (Grau) — Pravisdomini: 1924-1929-1934 etc.: ogni 5 ains gran perdòn — *Udin*: sagre in Baldassarie — Torse.
16. *III domèn'e* — *s. Roc* — Fielis (Zui) — Ciarlins (b. c.) — Lauc — San Lenàrt — San Roc (*Udin*) — Viarse — Ciamp-

lunc — Tombe — San Vit al Taiaimènt — Ceresèt (Morùz)
— Voltois (Ampiez) — Glemonè — Ciampmuel — Cercivint
— Poz (Codroip) — Polcenigo (b) — Paluzze — Ciavàz di
Ciargne (b) — Sudri — Medane (b) — Turiaç — Dolegne (b)
— Fare (b) — Maian (b) Morsàn al Taiaimènt — Bris'cis
(Ruede) — S. Cassian (Brugnere): sagre dal titolâr — Ce-
sclàns (b) — Salcàn — Sable Grande (Vipau): S. Roc.

17. s. *Milie* — Fare dal Luzinz.

18. s. *Eline* — Fare dal Luzinz.

21. s. *Donât* — Cividât: fieste dal patrono cun procession.

22. s. *Timòteo* — Fare (b).

23. *IV domènie* — Corve (Azzàn) — Ert e Cas — Spilimbèrc
— a Orgnàn sagre dai ciuncui — Ciavazgnûf — Anduins
— Ciavenzàn — Risàn — Poulèt — Romàns (c) — Ro-
verèt (b) — S. Zorz di Nojâr (b. t. c. d.) — S. Vit de
Tor — sagre des anguris a Segnà — Masaruelis — Gra-
dis'ce di Spilimbèrc — Tavagnà — Basandiele — Oleis
— Montenars — Azzide (S. Pieri dal Nadisòn) (b) — S.
Laurinz di Sedean — Mont di Cròs (Atimis) — Silvele
(S. Vit di Feagne) — Basilian (Pasian Sclav.) — Pontèa
(S. Pieri al Nadisòn) — Ruvigne — a Marizze di Vile di
Var sagre dal cuful — Gòdie: s. Antoni — Peonis.

24. s. *Bortul* — Schluse (b).

25. s. *Vico re* — Cions.

28. s. *Augustin* — San Zorz di Nojâr (b. t. c. d.) — Merèt di
Tombe.

28. *Decol di s. Zuan B.* — San vit dal Taiaimènt.

30. *Ultime domènie* — Basandiele — Romàns dal Luzinz: sagre
d'avòst — S. Durì (Flaibàn) — Ruvignàn (Cividât): sagre
de angurie sui prâz di s. Eline — Tresezin: sagre di S. Fi-
lumene (b. t. d.).

SETEMBAR

1. s. *Egidio Abât* — Bielezòe — Ciampròs di Valcianâl.

3. s. *Eufèmie* — Basandiele — Ciasis (Manzàn).

6. *I domènie* — S. Emidio — Vinai (Lauc) — Prepòt — Tiez
(Azzàn) — Coseàn — Gonars — San Durì — Feagne —
Polcenigo: sagre dai zeis — Tarcete — Fors di sòt — S. Pieri
sul Lusinz — Premariàs — Ciassà — Puzui — Ciavazgnûf
— Vile Visintine — Ciampròs di Valcianâl — Scodevace:
S. Egidì — Dol Otelze (b. c. corsis) — Cividât: il Ciap-
itul al vâ a Madone di Mont — Bielezoe — Postumie: fie-
ste tes grotis — Lavarian: s. Antoni — Internèp (sagre de
glèsie di S. Simeon sul mont).

8. *Nativitât di M. V.* — Morâr — Udin (Madone di Grazie) —

- Dedeà — Madone di Rose (S. Vit al Taiaimènt) — S. Martin al Taiaimènt — Pontebe — Manià — Nimis: Madone de Planelle (b) — Raviei (b) — Teòr — Istrât (Spilimbèrc) — Vialte — Merne — Morâr — Trave (Lauc) — a Bertiùl: sagre de Madone des Scarancis (t. d.) — Lestàns — Tesis — Vile Visintine — Montcoron_e (Salcàn) — Pordenòn: Madone di Gràzie — Paradis.
13. *II domènie* — Ciasarse — Muris — Avian (b) — Atimis — Cions (b) — Guriciz (Codroip) — Trivignàn (b. t. d.) — Cianâl: sagre al Santuari di « Maria Zell » — Ciampfuarmit: perdòn dal Cûr — Gradis'ce (Spilimbèrc).
14. *Esaltazion de S. Crôs* — S. Crôs di Aidùssine.
15. *s. Nicomede* — Sagre de ribuele a Foian.
20. *III dom.* - *La Dolorade* — Maiàs (Enemònz) — Venzòn — Ravasclet — Riu (Paluzze) — Trep (Paluzze) — Dìlignidis — Passòns — Pieris — Ciopris — S. Andrât (b) — Fontanefrede — Frisànc — Faus (Gonàrs) — Merèt di Tombe — Morteau — Ruvigne — Trivignàn — Pasian di Prât — Talmassòns — Padiâr — *Udin*: procession a Madone di Gràzie — Cose (S. Zorz de Rich.) — Cuar di Rosacis — Riverote (Pasian di Pordenòn): sagre dal vin gnûf (b) — Ciasarse: sagre de s. Crôs — Pertèulis — Gradis'ciute di Vile di Var: perdòn de Dolorade — Pravisdòmini (b. d.).
27. *Ultime domènie* — Braulins — Flum — sagre dai ucei a Felèt — Paulâr — Pertèulis — sagre des razzis a Staranzàn — Gradis'ce — Lestàns (b. d.) — Feltròn — Caprive — Feletis — Roncis — Valnoncèl — Riz di *Udin* — Visinâl di Buri — Ersèl in Mont — sagre de vendeme in Aquilee — Vilegnove (Prate di Pordenòn): sagre dai ucei (b) — Joànìs: sagre dai giambars (b) — Buèriis (Magnàn) — Marian — sagre dai cuàrgnui a Fresis (Enemònz) — Ciateòns di Strade — Iplis — Cividât — Bolzàn (la famose sagre di Pieri Zorùt) — Spilimbèrc: sagre da l'Ancone.
29. *s. Michèl A.* — Piume — Fagnigule (Azzan) — 'Arzene (b. d.) — Plazzaris (Montenàrs) — Mònt Maiôr — Savorgnàn de Tor — Segnà — Formeàs (Zui) — Coline (Fors Avoltri) — Sclauni (Lestizze) — Ciopris — Merèt di Tombe — Scelse — Domanìns — Montmaiôr (Platis'cis) — Camigne — Tarvis — Vendoi.

OTUBAR

1. *s. Remigio* — Cordenóns — Ciavazgnûf.
- 2 *ss. Agui Custodis* — Manzàn — Montaviarte.
4. *I domènie* — *Rosari* — Riu (Paluzze) — Ciampfuarmit — Varian — Cuel III. Armade (Sdràussine) — Tramònz di sot — Travès — Ciazas (Tumiez) — Fors di sot — Cervignàn

- Mels — Paulâr — Pagnà (b. t. d.) — Ciamin di Codroip — Culturis (Polcenigo) (b) — Flambri — Ravose — Verzegnis — Vit d'Asi — Ciarlins — Nonte (Soclêf) — Poulêt — Ciasteons di Strade — Cisèriis — Dogne — Preceñins — Marian — Colorêt di Prât — Pradamàn — Sco-devace — Ciavali — Arte — Raspàn — Clauzèt — Tor di Pordenòn — Arbe — Ciamin — Ciopris — Cordovât — San Zorz de Richinvelde — Frisanc — Lauzzà (Pavie) — Ru-vigne — Poz (Codroip) — Ovolèt (Zòpule): sagre di San Michèl — Pocenie — Pinzàn — S. Zuan di Manzàn (b) — Lauc — Trep (Paluzze) — Fors Avoltri — Zuviet (Ravasclèt) — Montaviarte (Platis'cis).
11. *II domènie* — S. Zorz de Richinvelde) — Magnàn — Manzàn — Palme (t) — Vileuarbe: sagre des masanetis — Berbeàn (Spilimbèrc) — S. Quirin di Avian — Arzene (b. d.) — Gris — Bonzie (Dignàn) — Lucinins — Grions — Rorai Grant (d) — Cisèriis — Sedeàn — Cimpèl (Flum) — Iplis — Dobre: sagre dal licòf — Pliscuizze de Madone — Vilute (Cions) (b) — Bicinins: sagre de glèsie — Montaviarte.
14. *s. Calisto* — Tarvis: Madone dal Rosari — Sivian (Rivignàn): sagre de pignate.
18. *III domènie* — S. Luche — Quische (b) — Provesàn — Pulfar — Tribil di sore (Stregne) (b) — Ciamin di Buri — (b) — Rizzùl — San Andrât — Trep Grant — Lonerià (Segnà) — Vile di Var — Branc — San Vit di Feagne — Banie (Flum) — Osòf — Pieris (sagre dal vin gnùf) — San Guarz (Cividât) — Bresse (Ciampfuarmit) — Flambrùz — Felèt: s. Vicènz.
25. *IV domènie* — Flaibàn — San Quirin di Avian — a Colorêt di Sufunbèrc (Faèdis) sagre des ciastinis — Feagne — Bilirs (Magnàn) — Silvele — Medùn — Valnoncèl — Résie — Salt — S. Zuan di Manzàn (b) — Sante Lùzie (*Gurisse*) — Prate di sore (Pordenòn) (b) — Rivignàn — Ghiràn (Prate di Pordenòn) (b) — Buje — Osòf — Vissandòn: Perdòn dal Rosari — Pers (Maian) — Gris.
30. *b. Benvignude* — Cividât: fieste de b. Benvignude Bojane 'te glèsie di s. Pieri.

NOVEMBAR

2. *I muarz* — Rivignàn — Pidimònt dal Calvari — Flum.
4. *Fieste de Vitòrie* — S. Carlo — Daèl (b) — Cisèriis — fieste de vitòrie a Fors di sore — Comemorazion dai muarz in vuere a Aquilee — Damâr — Feletis — Stulvizz: (Résie) — Ravasclèt — Belgrât (Vile di Var).
6. *s. Leonàrt* — San Leonàrt — Provesàn — Cuelàlt (Segnà).

8. *II domènie* — Dogne — Varian.
 9. *s. Teodoro* — Ranzian.
 11. *s. Martin* — Cividât: casotos, giostris, b., divertimèns — S. Martin dal Ciars — Tapoian — Val e Rualp (Darte) — Cervivint — Roncis di Monfalcòn — Fane — Latisane (b) — S. Martin al Taiamènt (b) — Internèp (Bordàn) — Resiute — Basandiele — Ciarpà — Prosenins (Montaviarte) — Cormór (*Udin*) — Cervignàn — Romàns — Prodolòn (San Vit dal Taiamènt (b) — Cuar di Rosazzis — Osseche (*Vithùe*): S. Bàrbare — S. Laurinz di Mosse (b) — Savogne dâl Lusinz — Ciasotis.
 12. *s. Martin pape* — Cervignàn.
 15. *III domènie* — *s. Geltrude* — Romàns dal Lusinz (b) — Tamau (Paluzze) — Racolane — Mels — Frassinèt (Fors Avoltri) — Osseche (*Vithùe*): *s. Martin*.
 19. *s. Elisabete* — Romàns dal Lusinz.
 20. *s. Felis* — Flambri — Vilote (Cions) (b).
 21. *Madone de Salût* — Bordàn — Cis'cielgnûf — S. Quirin di Avian — Basèlie (Spilimbèrc) — Pessincâne (Flum) — Vico (Fors di sore) (b) — Muez (b) — Puie (Prate di Pordenòn) (b) — Flum — Navaròns — Resiute — Pieris — Peonis — Dimpònz (Tulmiez) — Auravé (S. Zorz de Richinvelde) — Raussèt — Sedilis — Sequals — Buje (Avile) — Tramònz di sore — Noiarèt (Cosean) — Risàn — Polcenigo: Madone de Salût — Dignàn.
 22. *IV domènie* — Cormòns — Anduins — Zomeais (Cisèriis) — Romàns dal Lusinz (b).
 25. *s. Catarine* — *Udin* — Boreane (Crede).
 26. *s. Gaudenzio* — *Udin*.
 30. *s. Andree* — Zuviel (Ravasclèt) — Zòpule (te domènie dopo se *s. Andree* al cole in di di vore).

DICEMBAR

6. *I domènie* — *s. Nicolò* — Liuzzùl — Amàr — Tulmin — Maiàs (Enemònz) — Frisànc — Tòr di Pordenòn — Taurian (Spilimbèrc).
 8. *Imacolade C.* — Vidulis (Dignàn) — Taipàne — Valnoncèl — Ruvigne — Budoe — Trep di Paluzze — Blessàn — Gòdie (*Udin*) — Cùie (Cisèriis) — Segnà — Arte — Poz (S. Zorz de Richinvelde) — Tavagnà — Trasaghis — Gòdie.
 13. *II domènie* — *s. Lùzie* — Arte (b. t. c.) — Budoe — S. Lùzie (*Gurisse*) — *Udin* (al Redentór) — Venzòn — Sedilis (Cisèriis) — Top — Colze (Enemònz) — Raspàn — Prate di Pordenòn: sagre de glèsie — Fusee — Glemone — Purzûs (Atimis) — Murlis (Zòpule): sagre di Sante Lùzie — Lauc: *s. Lùzie* — Zuviel (Ravasclèt).

20. *III domènie* — s. *Tomàs* — Ciassât — Rorai Grant — Rivólt
— Vileuarbe — Ciadugnee (Tulmiez) — Pertèulis: s. *Tomàs*
— Scrole: s. *Tomàs*.
25. s. *Stiefin* — Cesclâns (b) — Rude — Fusee (Tumiez) —
Sedeàn — Gradis'ce (Spilimbèrce) — Salcàn — Vipau.
28. *Ultime domènie* — ss. *Nozèns* — Tresesin — Ciadugnee (Tul-
miez) — Piume.

Làgrimis


Se v'incontrais in t'un frutìn c'al vâi,
ciapailu in braz, fasegi une ciarezze,
chè i siei dolôrs son, par fortune, tâi,
che no àn ladrîs, che in font a no àn la fezze.

Se inveze a jé une fêmine che tache
a vaiuzzâ, crodêlu, la plui drete
jé di lassâ che vâi fin che si strache
o di butâ la ciosse in barzalete.

Ma se viodês un om, un om ch'al vâi,
lassâilu in pâs, no stêt tentâ il confuart:
a di chist mont esistin dolôrs tâi,
che no si pôl uarî che cu la muart!

Cormòns

Alfonso Deperis



La lus dai vôi...

O soreli, biel soreli,
tu ti platis in tai nûi.
Era là che ras'celava,
no la viodi fregul plui!

Rosis....

Duc' us disin che sês rosis
como ches su pai puiûi;
e jo pensi a di che' rosis
che doventin spizzacui.

Ugo Pellis

Sul Coldeàn (Cuel di Montagnà)

In timp di vendemis
voi su in Montagnà;
zirànt d'ogni bande
m'ineuchi a cialà.

La jarbe è seade,
ualide t'un mùt
che al pàr di ciatási
t'un prât di vilût.

Atòr pe riviere
son luc e país,
son tors e son glésiis
distànz e dacis.

Ve', un glon di ciampane:
— che suni di muart? —
po un altri pui debul,
po un altri plui fuart.

Lajù, t'une ciase,
al vuache un cianùt:
che al sei qualchi pùar
che al ciri un pagnùt?

Là vie pe ferade
va il mostro imburit,
taiant lis culinis,
lis mons par da pît;

e il fum su la schene
— che è nere e lui grïs —
ai pàr che lu moli
da ciâf fin da pîs:

par bosc e par rivis
al jentre e al va fûr,
e tra lis montagnis
si piart il sussûr.

Lajù ta l'ombrene
ti sberlin i fruz;
e' spachin ciastinis
o cirin fassûz;

sul museli o tes cisis
e' ingrumin i riz
o tindin richetis
tes cisis pai scriz.

Se tu alzis il voli
tal cîl biel, cuiet,
e po tu ti pognis
tal prât, come in jet,
chel aiar che al busse
dolz, clip e zentil,
ti par la ciarezze
d'un agnul dal cîl.

Chei nûi che spassizin
lizêrs, sparnizzâs
pe nape turchine
dal cîl, indorâs,

semein zufs di lane
che clamin lassû
ciantànt la calandre
a svol lade sù.

Là, donge de Sfuéime,
pe' strade, un passâz
di ciârs e automòbii
e di int in viâz;

e il strepit che fasin
si piart jù pai Vai,
e il fum che solevin
al sblance i rivai.

Sint là ce che tone
la sclope fra i pôi:
dos giàis e' svolotin
chi, sot i miei vôi.

Lusint tal soreli
cà si uce un falcèt,
là il fen si ris'cele
tal prât che al ven net.

Ce bielis vidudis,
gioldudis in pàs
su cheste culine,
dal mont separâs!

Ciassà, setembar dal 1924.

Pieri Mation

Lu Dante

Diálogo fra un maestri, un muradâr di nòn Vigi e un omp devòt di nòn Nondo.

(Lengâz di Prât in Ciargna).

MAESTRI — Oh! bon di po, Vigi, cemûta la vòia?

VIGI — Bon ben jo, gràzia, e ûa professûar? Fàiza scuela ta citât das âgas?

MAESTRI — Po scè scè, jo ve', Vigi, mi tòcia simpri scombatì cun chê crima a mi, ve'; i' fâs propi la pinitinza in chest mont jo, ve' — E tu ce libris lêisti cumò?

VIGI — I torni a léi lu Dante, jo cumò.

NONDO — O, ce sant èizal chel?

VIGI — Chel vidîza, Nondo, al era un omp, al meretava propi santificât, e nûa lu si davarès venerâlu. Inmaginaisi, Nondo, cu a nûf ans, lui al ve' còur, di scrivi una poesia a so puemuta.

NONDO — Ce rûba vèvial scrit?

VIGI — Una poesia 'a ven a stâi, diceva, coma strofas, canfets o raganizzas, fanicònt, diceva, come: Pange lingua gloriosi, — l' Ave Maria Stela, — chi sintîs spes a ciantâ ta glîzia, o coma: la Vispa Tereza, c'ai rècita ju fruts tas scuelas e cu ûa 'i podîas sintî stant in cîaza.

NONDO — Ce tanc' ans vîza det c'al veva?

VIGI — Noma nûf....

NONDO — Sozzât, vergognozât, a chê etât al veva chei pensierâts tal ciâf?

Bepo Rupîl



— Fèmena, ài fan e jo no pues pi stâ,
ché fan no voul sentî prediciadura.

— Vai subit a fâ foc, ma prin ven cà:
prometìn de no fâ plui musa dura
e in santa pâs vivìn d'adès in là;
cussì nància del diaul no vìn paûra,
ché dulà che la pâs à la so stànzia,
infin el diaul el cùin aveir creànzia.

G. Comini

di Cordenóns, 1700 e tanc'.

Nine

Nine, quanche stant in plazze
'o ti viôt voltá 'l ciantón,
jo mi sint il sanc in fazze
e pe schene un sgrisulón.

Cun che' ande di regine
'o ti viôt a vigní in cà.
Oh, se tu savessis, Nine:
tal miò cûr ce gran spietà!

Co tu rivis e 'o ciacari
cul spiziâr o cul plevàn,
'o mi fermi e mi prepari
cul ciapiel za pront in man.

Ma cun che ande di regine
tu vas vie senze cialà.
Oh, se tu savessis, Nine,
tal miò cûr ce gran tremà:

Jo resti in miez de plazze
avilît, malapaiât,
blanc e flap come une strazze,
in t'un stât di fá pietât.

E cun ande di regine
tu tu vâs senze voltà.
Oh, se tu savessis, Nine,
tal miò cûr ce gran penà!

Giovanin Lorenzòn

Cu li vedelis su la piel....
Jè dal cont sta tiara dura;
jo la rompi cul picón
I to vues orés crevâti,
'cuntissina', e no sói bon!

Ugo Pellis

Memoris di famee

La me mame

E' stavin i miei fis duc' a scoltàmi.

— Buras' ce, ploe e frèt quanche la none
vuestre 'e murì. No puès dismentèami :
jo e vuestri nono a plane lìn a Madone

mi pareve che il cûr olès sclopámi.

Denant l' Altâr, pùar omp, lui s' inzeaglone
e « Pree, Menùt... » mi dîs. In tal cialámi
i lusive plui d' une lagrimone.

No volevi vâi, pûr 'o vâivi.

— « O Vo, Mari di Grazîs, che sperant
e plen di fede 'o implori, fait che vivi

la mame me, la mame, il miò confuart... » —

Il balcòn spalancât ciatìn tornant ;
te' ciase nestre entrade ere la muart.

Sante, la vuestre none, us al ripèt.

Prime c' al crichi il dì vegle e strussie
par ciólinus la fan, e no à rispiet
dai siei malàns e no si bute vie

par misèrie o disgrazîs, ma a dispiet
d' ogni maltimp e d' ogni traversie,
no' cognòs mai padìn. Tal plui segrèt
i sièi dolôrs 'e scuint, e pronte e pie

in ogni ciase 'e cór come une sùr
par assisti i malâz, par confuartá
qualunque je 'e savès c' al jere in penis ;

'e varès dât mièz sanc da lis sôs venis
pitòst che viodi un altri a dolorá.

Cheste è la mame che mi víf tal cûr. »

Meni Muse

Une zumiele di favate



Mai plui tant grant e benedèt dai vîs
di quanche tu fòs muart pal to paîs.
Il bausâr al è il sôl, fra tante int,
che 'l crôt subit a une bausie che 'l sint.
Si pesave il savè tai tims passâz,
vuè stature, bardele e pîs cialzâz.
O pûar mai tu, ninin, se tu âs par mame
blesteme ed il to pài ôzio si clame.
Se tu sielz la fantate, in prin di dut
no sta cialâi tal scrin, ma tal curût.
La blesteme 'e jè il zergo dal gnorânt,
del pûar che nond â in coze e dal birbânt.
Da pî grande montagne al tîf di ruie,
nuie in chist mont nol è creât par nuie.
Chel che in prisinze to al dîs mâl di me,
oh ze tantis che a mi 'l mi'n dîs di te!
Un bec di renghe al ti fâs plui bon pro,
tantis voltis, che un jêur o no sai zè.
D'un paîs t'ûs savè se 'l fâs progrès?
conte pa strade i fruz che zûin cui clas.
Bon par nô, la calûnie 'e jè il pissòc
che i ocôr al formènt par fa un biel spic.
No vûei ricezze e mancûl la misèrie:
chiste mi struce e ché mi sofle in ârie.
Scartât il timp durmît e mâl spindût,
se tu âs zent ains, and âstu tros vivût?
Se mai nissûn no ti â spudât adues,
par te brut sègno: no s'invîdie il mus.

Tunin Ciarutin

